



Magnetica Magnalia.



MAGNETIS
REDUCTORIUM
THEOLOGICVM
TROPOLOGICVM,
In quo ejus

novVs verVs & sVpreMVs]
VsVs INDICatVr.

*Si fileant homines, lapides tua facta loquentur;
Saxa q₃ dura virum ferrea corda trahent.*



LONDINI,
Typis I. L. Impensis Ph. Stephani,
& Ch. Meredith, sub aureo Leone
in Cœmeterio Paulino.
M. DC. XXX. X.




P*erlegi Librum hunc, cui ti-
tulus, Magnetis Reducto-
rium, &c. Dignumq; iudico,
qui typis mandetur.*

Ex ædibus Lond.

Iun. 5. 1637.

Tho : Wykes R. P.
Ep. Lond. Cap.
Domeft.





C A R O L O

D : G : M A G N Æ

BRITANNIÆ FRANCIÆ,

& HIBERNIÆ Regi Sere-
nissimo, Fidei Defen-
sori, &c.



Vivas, O REX, in æter-
num; Et Lapillum, &
Libellum hunc, ejus in-
terpretem, æqui bonique
consulas. Lapidem, si pretium spe-
ctes, gemmarum postremissimis
postponendum; Sin usum fru-
ctumq; *Nauticum, Horologicum*, ad-
do *Theologicum*, vel Adamantem
pretiosissimum contra minimè ca-
rum. Si molem, vix terræ glebam

A 3

exce;

excedentem; si polos Arcticos, Antarcticos, si Circulos Tropicos, Æquinoctialem, terræ totius globum adæquantem: Vnde Terrellæ nomen, apud *Gilbertum* Magneticæ disciplinæ parentem, meritò sortitus est. Si faciem & speciem externam, nullus ei nitor, nullus lævor in est, qualis in Margaritis; Splendor ei nullus, nulla transparentia, qualis in Gemmis; Vnde Decolor *Claudio*, Ferrugineus *Berchorio* dicitur: Sin intrinsecam vim & virtutem, immane quantum lapides omnes pretiosos vincat: unde Græcis veteribus Ἡρακλῆος, i. e. *Herculeus*; recentioribus Θαυματουργός, i. e. *Mirificus*, appellatur. Miri enim & mysticis dotibus à naturâ ditatur; stupendos parit effectus; Podagrā, Spasnum, et Κεφαλαλγίαν curat,

n- curat, si *Marbodeo*, ejúsque glossato-
E- ri *Pictorio* fidem adhibeamus; Qui-
m- bus addit *Idem*, eundem possessores
o- suos disertos & Principibus gra-
æ- tos reddere. (*O me fælicem, si vera*
i- *diceret!*) Hoc ausim Majestati
r- Tuæ, bonâ Tuâ cum veniâ, fide bo-
or- nâ spondere, si unicus unicum pos-
a- sideres, Mundi totius te facîle Mo-
narcham efficeret: Partim quâ
r- mare transfretantibus *Neptunus* al-
o- ter, & portuum Index fidelissimus:
æ- Partim quâ terram peragrantibus
Mercurius alter est, et Dux itinerum
certissimus: Præcipuè quòd fer-
reæ gentis, quæ gentes alias omnes
subigit, Princeps potentissimus sit.
Eóque etiam respectu, Tui & opti-
mi, id est, Monarchici & Mitissimi
Imperii Optimum est exemplar, &
vivum Emblemata. Hoc enim mihi

ratum & indubitatum semper fuit;
Hoc semper cum Politicis et Theo-
logis gravissimis sensi, & palàm a-
pud omnes professus sum; Mo-
narchiam hæreditariam, (sub quâ
mihi vitales auras fœlicitèr hau-
rire, bonis omnimodis frui, piè &
tranquillè degere contigit;) esse
omnium, quotquot extant aut ex-
cogitari possunt regiminum for-
mæ, longè multùmque præstantis-
simam, utilissimam, laudatissi-
mam: Cui me ex animo favere,
ille novit, qui perscrutatur renes
meos. Quin & modum gubernan-
di. Magneticum tutissimum, gra-
tissimum, & commodissimum tam
Principibus quàm subditis esse,
Scriptorum omnium calculis &
Imperatorum symbolis compro-
batur. Vt enim Saccharum (*atte-
stante*

stante Fernelio) eadem & omnia
melius & suavius, minori cum fla-
tu & viscerum cruciatu, quàm mel
efficit: Sic amor *Magneticus* quàm
terror *Despoticus*; & subditorum
amor filialis, quàm timor servi-
lis. Ecce enim ut Magnes gentem
ferream limis, malleis, & igne
vix domabilem, non armorum
vi, sed amoris ope sibi subigat,
& mutuis inter sese amicitiae vin-
culis coadunatam in officio con-
tineat. Viderit vicissim & me-
cum perpendat populus, ut Scobs
ferrea confusa multitudo, sub
Magnete veluti sub Rege suo in u-
num corpus coalescat, & cum
horrore quodam subsistat; eum-
que scuti in modum ambiat, sti-
patorum in morem circumtegar,
pabulum & satellitium ei præbeat,

non alitèr quàm apes Regi suo aculeo carenti.

Clarum & illustre Christi in suos dominii Hieroglyphicum; Cujus olim typum in *Davide* exhibuit, cui nomen ab amore indidit; de quo singulare hoc & in Principibus rarum Memorix proditur, *Omne quod fecit Rex bonum videbatur in oculis totius populi.* Faxit Rex Regum, ut Regibus, Magistratibus & Prælatiis suis pari lubentiâ pareat populus universus; mutuâque inter sese æmulatione certent, alter ut alteri, debitis subditorum officiis præstandis, præeat & præcellat. Faxit Idem, ut Imperium Tuum hostibus & adversantibus sit *Adamantinum*, subjectis & amicis *Magneticum*: Eiq; faveas, qui si lapidem quem vulgus *Philosophicum* nominat,

nat, arte vel sorte reperisset, eadem
animi propensitate et alacritate tibi
obtulisset, quâ *Magnetem* hunc,
cum suo Cómmentariolo, jure meri-
tóq; tibi debitum, demississimè &
lubentissimè Dat Dedicátque. La-
pidum enim Carissimum, cui nisi
CAROLO? *Magnetem*, nisi MAGNO?
Marinum Neptunum, nisi mariû in-
sulas multas circumfluorum Do-
mino? Ferri Principem robustissi-
mum & mansuetissimum, nisi Regi
potentissimo & clementissimo cō-
secraret? Is, qui centum tibi in hoc
seculo Natales, unicum in altero
animitùs expetit excptátque

Christi Ministrorum ἐλαχίσταί εἰμι,

Subditorum tuorum φιλοβασιλικῶταί εἰμι,

Cultorum tuorum φιλοκαρολάταί εἰμι.

S. W. R. D.

PROLVSION

AD LECTOREM,

Et in ea sequentium

scopus & Argumentum.



Septem in terræ visceribus metalla totidem in cæli orbibus planetis annumerant & assignant Chymici; Quorum nobilioribus præteritis, reliquaq; in universum materia neglecta, unicum ad se ferunt Magnes attrahit, cujus amicitia, & famulatu gaudet. Eadem est librorum ratio, quorum etsi passim innumeri scatant, habet tamen unusquisque suum Magneticum genium Lectoris ingenio accommodum, quo plurimum

Crollius
pag. 77.
Plumbum Saturno
Stannum Iovi. ♃
Ferrum Marti. ♂
Aurum Soli. ☉
Æs Veneti. ♀
Argentum vivum Mercurio ♄
Luna. ☾
Clement. Alex. p. 176. edit. Grotii.

plurimum ad se oculos animosq;
allicit, allectosq; fascinat. Nec
enim minori vi suum quemque
studium trahit, quam ferrum
lapis Hercules. Si Philosophus
es, trahent hinc te Magnetica
Magnalia, quibus nihil in toto
Naturæ theatro reperitur aut
jucundius, aut nobilius. si Chri-
stianus trahet te Christus ejusq;
gratiæ, Magneti ad vivum Dei.
quasi digito insculptæ si Theolo-
gus es, trahent te plurima scrip-
turæ loca δεικνύοντα breviter illu-
strata, nec non scholastici quidā
nodi obiter soluti. Si Poeta es,
totus hic liber poema quoddam
est: si Rhetor, habes hic Allego-
riam continuatam, & in ea
Philosophiam Theologiæ ancil-
lantem, facemq; ei præbentem;

nunc ut pedisse quam decet hu-
mitem, nunc ut ante ambulonem
modestum. Quae in re Dionem
sequeutus sum non historicum
sed oratorem illud Trajano cha-
rissimum & Chrysostomum cog-
nominatum. Necnon agricola-
rum artem imitatus, qui plantis
agrestibus surculos inserunt ge-
nerosos, ut ex sterilibus & a-
cerbis frugiferas, & suaves ef-
ficient. Habes etiam hic Chriam
figurarum omnium ad docen-
dum, movendum, delectandum
efficacissimam; cui nomen ab u-
su, fructuque inditum est. Est
autem Chria (descibente Vossio,
Leopardo, aliisque) non pictum,
aut fictum, sed vivum quoddam
emblemata, ubi vel persona cum
re exhibetur, vel agitur & po-
nitur.

nitur aliquid ob oculos corpo-
ris, quod mentis aciem oculis pe-
netret, affectus fortiùs moveat,
& memoriae fideliùs inhæreat.

Quo artificii genere sapiùs usi
sunt tam novi, quam veteris in-
strumenti propheta, quo vatici-
nia sua auditorum suorum ani-
mis altiùs imprimerent. Nec e-
nim satis habuit Agabus Pauli
vincula prædicere, nisi & Pau-
li cingulo se vinciret; neq; Do-
minus noster humilitatis dc-
ctor, & exemplar esse, nisi &
infantulum in medio Apostolo-
rum, ut in loco editissimo collo-
caret, quo eum maximum fore
indigaret, qui minimus inter
eos esse ambiret. Quin & ipse-
met novissimè servi in modum
amictus, pedes eorum aqua
mun-

*mundavit, & linteolo deterfit,
quo virtutem hanc omnibus
maximè necessariā, minimè que
gratam commendatissimam re-
linqueret. Aures etenim et si
Minervæ sensus rectè Mytholo-
gis nuncupentur; segniùs tamen
animũ irritant, quæ per earum
anfractuosas ambages, quàm,
quæ rectà per oculorum fene-
stras ad eum incurrunt. Quare
paucis in limine exorandus es,
ut validum tibi lapidem com-
pares, vel aliquem adeas, qui
robustum possideat, quo simul
attentus spectator, & Lector
benevolus esse possis. Vterque
enim nisi fueris, frustrabimur
uterque, tu tuo legendi fructu,
& voluptate, ego meo scribendi
scopo, & labore. Sunt enim hic
experi-*

experimenta varia, quorum nisi testis oculatus fueris, non ea modò gratiam omnem, sed & fidem tuam, & finem suum amissura sunt. Sin inter Criticos nomen tuum profiteris, eosque, qui circa styli negetium curiosi sunt; unicum illud Plinianum perpendas, velim, Adamantem celare nefas est. Par enim & Magnetis ratio est non tam ob duriciem, quæ stylos chalybeos vix, aut ne vix admittit, quam ob innatam virtutem, quæ adscititium omne ornamentum respuit, ac dedignatur. Quisquis demum es, quem vel subjecti novitas, vel utilitas huc allexerit, si vel oblectamenti, vel emolumenti tantillum inde ceperis, erit hoc ei operæ pretium, qui
neque

*neque sibi met ipsi, nec chartulis
suis meliorem unquam sortem
ausus est expectare, quàm, quæ
Magneti contigit, magne ut usui
esset, exiguo in pretio, et honore
habeatur: Nec alio nomine,
quàm tibi aliquantulum ut pla-
ceret, multum ut prodesset,
Theologica philosophicis, divi-
nis Moralia, dulcibus utilia mi-
scere pro suo modulo horis in-
tercisi vis conatus est.*

Tuus in eo, qui
totus & summus
Magnes est.

S. W.



INDEX CAPITVM.

CAP. I.

DE Magnetis usu prioribus seculis abito novissimis hisce relecto. Pag. I

CAP. II. De variis Magnetis usibus, & quis sit eorum praestantissimus. 10

CAP. III. De usus Magnetis σοφιστικῶς beneficio, ejusque ad Christum collatione. 16

CAP. IV. De diversis Magnetis appellationibus & quam Christo singula apprimè convenient. 22

CAP. V. De virtute Magnetis elevatrice. 27

CAP. VI. De Virtutis sua communicatione, & in ferrum derivatione. 32

CAP. VII. De virtute ferri attractice, cum Christi Magnorum tractione. 37

CAP. VIII. De eadem cum ministrorum & concionatorum animas ad Christum convertendi potestate. 49

CAP. IX. De Auri & Argenti neglectu, ferri autem unitione; cum Christi, Angelorum praeeritione, hominūque electione. 51

CAP. X. De Magnetis, & Christianorum, ἀποδοτική. 56

CAP. XI. De ponderum gravitate, quae Magnes supra quàm Gygates attrahit. 59

CAP. XII. De mundicie, quam & Magnes, & Christi

- Christi Spiritus in objectis requirunt.* 61
- CAP. XIII. *De primorum ferri ad Magnetem motuum, & animarum ad Christum tarditate, & sequentium velocitate.* 63
- CAP. XIV. *De ferri longè remoti lento ad Magnetem motu, ejusdem appropinquantis celeritate.* 67
- CAP. XV. *De acubus ad Magnetem, & animabus ad Christum, non sine tremore post recessum redeuntibus.* 69
- CAP. XVI. *De medijs interpositi crassitie non impediēte tractum Magneticum.* 72
- CAP. XVII. *De annulorum Magneticorum & Christianorum spirituali & mirandâ concatenatione.* 77
- CAP. XVIII. *De Magnete, & Christo majora per instrumentum, quàm immediatè suapte virtute efficientibus.* 84
- CAP. XIX. *De eo quòd decuplo plus ponderis per binos, quàm singulos terminos, seu cappas trahat.* 88
- CAP. XX. *Plus multò valent instrumenta, quæ arctè, quàm quæ laxè Christo vel Magneti adherent.* 90
- CAP. XXI. *Magnes ferro polito melius, quàm auro splendido armatur, & Theologorum conciones Scripturæ testimoniis, & solidis rationum momentis, quàm Rhetorum floribus.* 93
- CAP. XXII. *Tractionis laus omnis Magneti, non ferro, & operum bonorum Christo, non hominibus debetur.* 96
- CAP. XXIII. *Ferrum in se vile Magnetico conjugio nobilitatur, & nos homunciones spirituali cum Christo*

Christo unione.

103

CAP. XXIV. *Magnetis cum gemmis collatio, quod vires & formam attinet.*

108

CAP. XXV. *In parvis Magneticis & Christianis, quàm in magnis grandior esse solet Deus.*

112

CAP. XXVI. *In minimis Magneticis omnes reperiuntur circuli, licet non eadem amplitudine: in minimis Christianis omnes gratiarum habitus, etsi non gradus.*

116

CAP. XXVII. *Magnes Magnetem congruè juxta se positum juvat, incongruè lædit. Idem accidit in hominum commerciis tam bonis, quàm malis.*

118

CAP. XXVIII. *Ut Polis Magneticis in diversis regionibus, sic viris bonis & malis in diversis seculis suum regnum est.*

121

CAP. XXIX. *Eodem modo Christus arcam suam, quo mensas aurifabri, accuratè purgat.*

122

CAP. XXX. *Et Magnes & Christus unà cum virtute gravitatem suis impertiunt.*

124

CAP. XXXI. *Magnes à celestibus polis telluris amore deviat, ut & nos à veritate divinâ hominum auctoritate moti deflectimus.*

125

CAP. XXXII. *Hallucinantur homines in lapidum, & rerum estimatione; dum non ex usu, sed ex specie pretium iis imponat.*

129

CAP. XXXIII. *De amalutione Magnética, & Christianâ.*

132

CAP. XXXIV. *Pugnant inter sese contrarii Magnetis termini, non secus quàm caro & spiritus, & mutuò sese è subiectis suis expellunt.*

135

CAP. XXXV. *Quod acus inter duos Magnetes, id inter*

- inter duas opiniones fluctuans.* 137
- CAP. XXXVI. *Eiusdem amoris tam in Christo
quàm in Magnete contrariis effectus.* 139
- CAP. XXXVII. *Eadem ratio est anime regenitæ, quæ
acus Magnetica; irregenitæque, ferrea.* 141
- CAP. XXXVIII. *De Magnetum & Christianorum
tam vilitate quàm raritate: deque locis eorum
natalibus.* 143
- CAP. XXXIX. *Causas rerum abditarum incassum,
subtiliter, & inutiliter effectus & usus facilius &
feliciter exquirimus; tam Theologi, quàm Phi-
losophi.* 146
- CAP. XL. *De mendaciis & abusibus, quibus &
Magnetes, & res, & viri magni sunt obnoxii.* 150
- CAP. XLI. *Non minor retinendi, quàm attrahendi
in Christo & Magnete vis & facultas.* 162
- CAP. XLII. *Preconiunctura ad Rythmi Bernardini
Genium & Formam.* 265

VOTVM

VOTVM MAGNETICVM

Psal.

27.4.

אחת שאלתי

Multa petunt à TE multi, quæis multa dedisse
Multum la sisse est : sunt mihi pauca satis.

ⲉⲓⲁ. Pauca petunt à TE pauci, mihi sufficit VNUM :
VNUM si dederis, non ego plura petam.

LUC. Hoc opus est VNUM, satis VNUM, plus satis NNUM :
 IO. 42 VNUM si dederis Tu mihi, dives ero.

Hoc VNUM petii, repetam bis, terq, quaterq :
 VNUM si dederis Tu mihi, gratus ero.

Vt trahar, utq, traham ad Christum quos morte redemit ;
 VNUM hoc si dederis Tu mihi mille dabis.

Mille TIBI grates persolvam, vota q, reddam
 Mille, TIBI, laudes secula mille canam. Amen.

Ora pro nobis.



MAGNETIS

REDUCTORIVM,

THEOLOGICVM,

Tropolicum, &c.

CAP. I.

*De Magnetis usu prioribus sæculis
abdito, novissimis hisce reiecto.*

Magnetem ob oculos
& in manibus ha-
buere, multis retro
abhinc sæculis tam

docti, quàm indocti ab ipsis,
quid ni? mundi incunabulis.
Vim ejus ferri attractricem,
& elevatricem etiam vulgus,
& fæx hominum, non sine

B stupore

*Arist. lib.
1. de ani-
mâ.*

Thales.

Scaliger.

Gilbertus.

Plinius.

Claudia-

nus Orphe-

us Lucre-

tius.

stupore animadvertit. De
formâ ejus subtiliter dispu-
tarunt Philosophi, &, ani-
mam necne haberet, acriter
dimicârunt.

Mysticam & miram ejus
naturam, abditâsque, & oc-
cultas qualitates ebuccinâ-
runt tam Historici, quam
Poetæ falsa veris miscentes,
fabulâsque, & figmenta sua

*L. Vives
in Aug. de
civit. Dei.*

varia, & vana attexentes : ita
ut de uno, eodémque lapide
duos per errorem confecerint ; alterum ab Australi ter-
mino Theamedem, alterum
a Boreali Magnetem appel-
lârunt. Quem hæc, obsecro, in
finem ? aut cui bono ? cum
interim polarem ejus vertici-
tatem

tatem, usumq; nauticum, & horologicum prorsus ignorarint; ne per nebulam quidem de his somniantes. Voluit nimirum naturæ Dominus præclarum hoc inventum tot acuta Philosophorū, & divina Theologorum ingenia in naturæ maiestate penitus abditum latere; idq; per quinque plus annorum mille: donec anno tandem post Christum mundo exhibitum cireccc, cūve circi- *Plinius.*
 ter, humani generis misertus Deus Opt. Max. per Goiam quendam Melphitanum, *u- ** Plautus.*
 ribilissimo pyxidis nauticæ beneficio mortales beaverit; cuius ope, & munere terras

(4)

remotissimas, & prius igno-
tas hodie lustramus opes in-
gentes, mercesq; omniagenas
acquirimus. Quare, quod de
Physicis Aristotelis tritum, id
nos Magneti meliori jure
adaptamus; Mundo cum o-
lim *δεδομένον, ἔτι μὴ ἐκ δεδομένον.*
Quem in modum mundo
Magnetem, ad eundem om-
nino Magnatibus, & munda-
nis ipsum mundum, & mun-
dana omnia largitus est mū-
di Dominus, cujus terra est,
& plenitudo ejus. Cœlum
quidem sibi, & suis electis,
tam Angelis, quàm homini-
bus servavit, terram autem
dedit filiis hominum. De
possessionibus, & titulis viti-
litigant

Psalm. 24.
1.

litigant tam in foro jurispe-
 riti; quàm de jure, & domi-
 nio in scholis Theologi: An-
 ullum habeant ab Adæ lapsu
 irrogeniti? Jus etiam illud in-
 gratia, an natura fundetur? In
 foro divino valeat, an solum
 in humano? Terminentur
 (per me licet) hæ lites; habe-
 ant & teneant (si Deo placet)
 impii sua latifundia; reculas
 suas sibi habeant mundani:
 dummodo hoc extra omnem
 quæstionis aleam ponatur, u-
 sum, fructumq; salutarem ad
 eos solum spectare, qui boni
 sunt in oculis Domini; qui
 eum per peccatum amissum
 & foris-factum, in Christo
 recuperârunt. Quod sensisse

1 Cor. 21.
22, 23.

auguror Apostolum in illa
magna nostræ chartulæ epi-
tome, ubi amplum, & regale
fidelium privilegium accura-
tè, & membratim recenset,
exclusivè ad infideles: Vestra
sunt omnia, sive Paulus, sive
Apollos, sive Cephas, sive
mundus, sive vita, sive mors,
sive præsentia, sive futura;
Omnia, inquam, vestra sunt.
Vestra solummodo quoad
verum, spirituales, & cæle-
stem usum; vos autem Chri-
sti, Christus vero Dei. Atque
hoc illud bonum, & Dei do-
num, bonorum peculiare est;
quòd tantoperè prædicat Ec-
clesiastes, cui etiam vanitatē,
ægritudinem, & occupationē
illam

Eccles. 5. 19
Ch. 2. 24,
26.

(7)

illam ad congerendum, & congregandū opponit, quam peccatorum portionem, & quasi mulctam iis à Deo impositam annotat: de qua alibi queritur, Quare pretium in manu stolidi, cui non datur cor, aut animum (supple) ad usum inde percipiendum. Quorsum miseris Euclionibus, multorum numorum usura, paucorū usus? Quorsum Tantalus, & parci promissis opes immensæ conceduntur, à quibus illi ut à sacris, & vetitis abstinent? quorsum prodigis, & perditis nepotibus, quibus illi ad lulum, luxumque ad corporum, & animarum perniciem abutuntur? Quorsum

B 4

scele-

ſceleratis egrægiæ animæ do-
 tes, intellectus acutus, tenax
 memoria, ſælix, & aureum in-
 genium, artium, & linguarum
 peritia, quibus illi (quod in
 Licentio discipulo ſuo, ju-
 vene docto, & nobili misera-
 biliter deflet Auguſtinus) Sa-
 tanæ, & libidinibus ſuis mi-
 niſtrant ? Quorſum illis grati-
 arum habitus à Deo infuſi ?
 Quorſum talenta illa cæleſtia
 largâ manu iis concedita, ſi
 in ſudariis involvantur, invo-
 luta deliteſcant, & pereant :
 niſi & aliam inſuper gratiam
 addat, quâ gratias hæſce αἰα-
 ζωμυρῶν, eaſq; ad datoris glori-
 am, ad ſuorum, & proximorū
 emolumentum exerere, & ex-
 ercere poſſint?

Vile

Vile latens virtus: quid enim
submersa tenebris

Claudianus
de
cōf. Hon.

Proderit? obscuro veluti sine
remige puppis;

Vel lyra, quæ reticet; vel, quæ
non tenditur, arcus.

Perinde est vita hominum, ac
ferrum; si utare, splendet; sin
minùs, rubigo inficit.

A. Gell.

Ὅργανον τὴ παιδείας ὅτε ἢ κλῆσις,
ἀλλ' ἢ χεῖρις τῶ βιβλίων.

Plut.

Quò mihi divitias, quæ non
conceditur uti?

Horat.

Vel mihi da clavem, vel mihi
tolle feram.

Anon.

*De variis Magnetis usibus, & quis
sit eorum præstantissimus.*

Cùm multiplex, & πολυ-
ποίκιλος sit, ut omnium; i-
ta singularum rerum usus, &
fructus; is ferè imus, & mini-
mus est, qui primâ facie ob-
tuenti, in oculos, & sensus in-
currit, seseque ultrò conspici-
endum offert; proximus, &
medius, qui à penitiùs intro-
spiciente, & decorticante per-
cipitur: optimus, & supre-
mus, qui à pensiculatiùs truti-
nante, medullam penetrante,
& seriùs, sæpiùsque ad incu-
dem revocante, post pluteum
cesum, & demorsos ungues;
post tulasq; ad cœlum preces,
&

& labores Herculeos in auri
 fodinis naturæ exantlatos, e-
 ruitur, & in apertū produci-
 tur. Facē exempli ut addam.
 Herbis & flosculis utuntur
 pueri, & sæminæ etiam cæco
 naturæ instinctu ad spiraculū
 & spectaculum; iisdem Phar-
 macopolæ, artis, & experien-
 tiæ adminiculo ad corporis
 alimentum, & morborū me-
 delam : Theologi, spiritu du-
 ctore, et Christo doctore (qui
 Liliorum exemplo divinam
 providētiam vivis coloribus
 depinxit) ad animum infor-
 mandum, et in celestibus in-
 struendum. Clariùs hoc idem
 cernitur in sacrâ paginâ, cujus
 etsi sensus unicus, usus tamen
 triplex

triplex apud omnes constat;
 Primus, qui in cortice histo-
 riæ supernatat, *Literalis*; Se-
 cundus, qui ad mores infor-
 mandos, *Tropologicus*; Terti-
 us, qui ad spiritualia, & cele-
 stia mentem elevat, *Anagogi-
 cus*. Oranium adhuc clarissi-
 mè, in *Magnete*; cujus infi-
 mus is est usus, qui lippis pe-
 nè, & tonsoribus notus, pri-
 mitùs à Nicandro bubulco
 quodam in Magnesia reper-
 tus, cum pedi sui cuspidem;
 nec non crepidarum clavos,
 dum armèta pasceret, in arcâ
 Magneticâ hærentes observa-
 ret: Altior, & excellentior is,
 qui à *Mathematicis* inventus,
 dum ejus ope, et indicio, stel-
 larum

Plin.

larum motus, et progressus,
 pretiô sasque temporum stil-
 las metiuntur, cursûsque na-
 vium dirigunt, portûsque op-
 tatos attingunt: Longè om-
 nium præstantissimus, quem
 Christianis, & Theologis
 (quibus regni cœlestis myste-
 ria percipere datum est) in se-
 quentibus *ὡς Θεῶν* commen-
 daturus sum; dum mirifici
 Lapidis hujus non injucun-
 dâ contemplatione; proprie-
 tatum, et operationum ejus
 reconditarum non ingratiâ
 explicatione; animam ad
 Christi salvatoris luculentio-
 rem cognitionem, & gratiæ
 divinæ suaviorum meditatio-
 nem erigam, et attollam. Hic
 scilicet

scilicet præcipuus, et potissimus creaturarū omnium finis est, cū scalæ nobis, & alæ sunt, quibus animæ nostræ supra dumeta, & sterquilinia mundi hujus volitantes, facilius ad cælum ascendunt, & ad Deum creatorem aspirant. Insculpsit quidem Deus in vilissimus insigne, in minimis grande, in obscurissimis visibile aliquod invisibilis suæ sapientiæ, & potentiæ vestigium: In Magnete (ausim dicere) vivam sui imaginem, nobile potentiæ suæ specimen, clarum gratiæ suæ characterem. Nusquam (inquit improbus ille naturæ indagator, & antiquitatis interpres

Plinius.

pres diligentissimus) natura
 tam improba. Aut voluit, opi-
 nor, aut debuit dicere, nus-
 quam tam ~~mirifica~~, & muni-
 fica; nusquam tam mystica, &
 ingeniosa; ne in gemmis qui-
 dem, aut pretiosis lapidibus,
 in quorum candore, & splen-
 dore latet quodammo ejus
 divinitas; quæ in hujus fu-
 liginè, & nigredine lucet;
 splendet, & coruscet. Sunt
 illi (ut Propheta loquitur) va-
 nitatis, & mendaciorum do-
 ctiores; veritatis hic, & virtu-
 tis nobis in multis, etsi mu-
 tus, magister.

CAP.

CAP. III.

Deus Magnetis Boeodixtus beneficio, ejusq; ad Christum collatione.

ANte ostensam nautis admirandam Magneticæ Boeodixtus virtutem, dici vix potest, quàm incertis erroribus acti, dubias secuti conjecturas, anfractuose hûc illûc fluitârunt mortales, potiùs, quàm rectâ navigârunt: sudo nimirum cœlo, sole vel stellis lucem præbentibus, nunc pharorum, nunc turrium, & arborum ope juxta littus, & oras terræ repserunt, non sine incredibilem anxietate, & ingenti naufragii discrimine: cœlo autem nubilo sublato syderum, solisq; aspectu, (tempestate

pestate præsertim ingruente)
 quò se verterent, & quonàm
 tenderent prorsus ignari.
 Quanto igitur gaudio perfu-
 sos fuisse, quantàq; lætitiâ ex-
 ultâsse putemus eos, cùm pri-
 mùm Magneticus iste Nep-
 tunus sese viæ ducem præbu-
 it? Quo semitâ iis per syrtes,
 scopulósque monstrante, eti-
 am nocte tenebricosissimâ,
 cœlóque caliginosissimo sin-
 gulos Austri, Septentrionis,
 Orientis, Occidētisq; angulos
 discernere, et distinguere po-
 tuerint; nec non certissimè ju-
 dicare, quibus in mundi pla-
 gis, qua latitudine, parùm ab-
 fuit quin & lōgitudine quas-
 que in orbis partes, portúsq;
 navigii

navigii sui cursum dirigerent,
 Divino deniq; Mercurii hu-
 jus beneficio factum est, ut
 ultra Herculis columnas (non
 morantes Zephyros placi-
 dos) intrepidè vela panderet;
 & quæ tot seculis insulæ, con-
 tinentes, gentes, mercésque
 prorsus incognitæ delitue-
 rint, detectæ nobis, & explo-
 ratæ sæpius fuerint, totûsque
 tandem globi terreni ambi-
 tus nostrâ memoriâ per *Fran.*
Drakum, Tho. Cavendishium,
 aliósq; Heroas non semel cir-
 cum-navigatus; quòd priori-
 bus ævis tam impossibile,
 quàm inauditum semper ha-
 bitum fuit. Ante revelatâ ho-
 minibus Evangelii sui lucem
 passus

passus est Deus in præteritis
 generationibus gentes singu- *Eph. 4. 18*
 las in viis suis errare, cogitati-
 ones habentes obscuratas, &
 abalienatas a vitâ Dei propter
 ignorantiam, mentisq; vani-
 tatē, quæ in ipsis erat. Ludifi-
 catur enim alumnos suos Phi-
 losophia, tantumq; in prospe-
 ris se viæ comitem, & ducem
 præbet, vanis somniis eos la-
 ctans, & ad tēpus sustentans;
 in adversis, & perplexis, ut
 Cometa seu fulgur evanescēs,
 in umbrâ mortis errantes de-
 ferit, omniq; solatio destituit.
 Dolores si quādo lenit, nun-
 quā curat. Cicatricibus si cuti-
 culā fortassis obducit, non sa-
 nat intrinsecus. Solus Christus
 mundi

mundi lux, via, vita, & veritas
 suos ab errore & fluctuatione
 omni liberat, in omnem ve-
 ritatem ducit, mysteria salutis
 reſerat, arcana veteris instru-
 menti recludit. Solus ille ſuos
 in tribulationibus, in carceri-
 bus, rogis & equuleis tortos,
 gaudio, & pace replet, quæ ſu-
 perat omnem intellectum.
 Solus ille immortalitatem in
 lucem profert, quâ ſuos etiam
 in ipſo mortis articulo ſola-
 tur: Solus ille verbi ſui lucer-
 na greſſus, & pedes in omni-
 bus viis ſuis dirigit; cui, rectè
 feciſſent, ſi veluti faculæ in lo-
 cis obſcuris ſplendenti, atten-
 diſſent, uſq; dum dies eluxiſ-
 ſet, & Lucifer exortus fuiſſet

2 Pet.

in

in cordibus eorū. Verūm eò
quòd amorem veritatis non
receperūt, ut salvi fierent, im- ^{2 Thess.}
misit iis idcirco Deus efficaci-
am deceptionis, ut crederent
mendaciis, fabulis anilibus, et
deliris Monachorum somni-
is: ut denique traditiones pu-
tridas, legendas plumbeas
pro oraculis fidei habentes, et
cæci cæcos sequentes simul
in abyssum errorum relabe-
rentur; in qua per annorum
aliquot centurias demersus
jacuit mundus, donec iterum
patri misericordiarum placu-
erit, eodem fere temporis
curriculo, quo Magnetis u-
sum monstravit, Evangelii
sui lucem restituere, Papiſmi
nebu-

nebulas dispellere; fraudes
 Antichristianas retegere; ec-
 clesiam in terris restaurare;
 lucernam deniq; verbi sui re-
 daccendere; quam ut in ad-
 ventum suum gloriosam in-
 extinctam conservet, etiam
 atque etiam venerabundi ob-
 secramus.

CAP. IV.

*De diversis Magnæ appellatationibus
 & quàm Christo singula apprimè
 conveniant.*

Οὐχ ὡς θεὸν ἡμεῖς ἐκείνῳ --- Non
 sum Tam lapis ut lapidi Numen
 inesse putem; Neque ut divi-
 nos ei honores tribuere ve-
 lim, neque de eo sentire, aut
 dicere, supra quam deceat, aut
 oporteat;

oporteat; nedum ut Domino
 vitæ vile saxum æquiparem :
 quo minùs autem in quibus-
 dam assimilem , non video,
 quid impediât ; præsertim
 cum ipse Dominus non de-
 dignetur se angularem lapi-
 dem , suosque vivos Templi
 lapides denominare. Quod
 autem viris heroicis accedit,
 ut ob varias dignitates, diæta,
 & facta egregia varios titulos
 honoris ergo fortitur ; Mag-
 neti ob multas , & eximias
 virtutes , & effecta miranda
 contigit, ut sit *πολυώνυμος*, i. e.
 plurimis nominibus conde-
 coretur : quorum nullum est,
 quod Christo, κατ' ἔξω, &
 aptius, quàm ipsi Magneti
 non

non quadret. Illud imprimis
Anglis, Belgisq; peculiare à
 ducendo, dirigendo, & viam
 monstando impositum. Nec
 enim cuiquam dubium esse
 potest, quin *Loadstone* quasi
Leadstone indigitetur: quod
 nemini magis appositè con-
 gruit, quam ei, qui & via, &
 viæ dux, & cynosura est; qui
 suos ad portum cælestem di-
 rigit, & ducit. Illud etiam in
 secundis à vi, & virtute mag-
 nâ *Magnes*, & à fortitudine
 Ἡ ἑκλδος *Herculeus* veteribus
 Græcis præsertim familiare
 fuit. Necnon illud Hebræo-
 rum, *וַיִּבֶן* à retinendo. Is enim
 verus, & unicus Hercules est,
 qui omnia ad se trahit. Solus
 ille

Job. 10.
 28.

ille fortis , qui fortem illum
 superat, suosq; forti manu as-
 ferit, & emancipat ; è cujus
 manibus eos nemo rapit, aut
 rapere potest. Tertium locū
 obtinet , quod & Græcis , &
 Gallis solenne est à duritie
 indomabili, qualimam vix
 sentit, aut patitur *Αδάμας*, &
Aimant. Est enim Christus ut
 dissidentibus Magnes, & la-
 pis angularis, qui dissitos co-
 adunat ; sic & adversantibus,
 seu cōtraluctantibus *Adamas*
 indomabilis (quorum utrūq;
 in *Athanasii* encomiis legitur)
 contra quem nullorum ho-
 stium vis, aut impetus; ne ip-
 sius quidem Satanæ rugientis
 leonis , & rufi draconis ra-
 biosus furor , aut inferorum

C

pote

portæ prævalere potuerint. Postremū est *Siderites*, quod à ferro fratre uterino, et in iisdem terræ visceribus connato obtinuit. Est enim ferrum, & objectum, cuius tractione delectatur, et medium, seu instrumentum, cuius famulatu in trahendo gaudet. Quibus in utrisque mirum est, quàm graphice, & ad vivum Christum exprimat, & imitetur, qui nos homulos fraterno amore amplectitur, & fratrum nomine compellare non recusat, aut erubescit. Hæc ego æ singula dum sigillatim, & successus enucleavero, nemo erit, ea opinor, aut tam delicatus, aut distam a studiis amœnioribus alienus, cui nauseam, aut fastidium

dium creabunt; neque tam atheologus, cui Magnes erit lapis offendiculi.

C A P. V.

De virtute Magnetis elevatrice.

FErrum suâ naturâ, ut graviora omnia, deorsum fertur, ut terræ filius natu maximus, & amore præcipuus, ad centrum ejus, velut ad matris gremium, miro, & peracri desiderio tendit: Ita ut absq; vi, aut miraculo nunquam in aërem ascendat, aut superna capeffat. Verùm enim verò ea Thaumaturgi hujus lapidis mirifica vis est, ut si ferarum leviter tetigerit, & amotire sui semel infecerit, matrem

suam communem illico de-
 serit, ad Magnetem impetu
 rapido, remis, velisque prope-
 rat, & effusis (ut aiunt) amba-
 bus ulnis amplectitur: quòd
 si vi manuum, aut filo deti-
 neatur, quo minùs eum at-
 tingere possit adhinniens, &
 anhelans advolaturit. Vidi,
 nec non attonitus vidi acum
 Magnete excitam in aëre cõ-
 tra naturam suam pendulam,
 rectà cuspidem suam versus
 Magnetem supra positum at-
 tollentem. Vidi eandem arti-
 ficiosè supra laminam æne-
 am in aquæ superficie locatã,
 ex altero lebetis latere in alte-
 rum, etiam sine suberis ope
 Magnetem versus supernatã-
 tem & supervolantem. Mag-
 netica

netica hæc miracula, Deique magnalia seriùs animadvertenti subiit in menté, quod de bipenni per negligentiam in amnis fundum delapsâ, Prophetæ jussu inde emergéte, et enatante sacrâ paginâ memoratur. Nec non de *Elizæo* boves, aratra, suos, et sua deferente, *Eliámq;* viæ incognitæ ducem, et comitem sine mora sequente : Quódque de Petro super fluctus marinos ad Dominum suum pedibus iter faciente. Quibus historiis qui fidé difficulter adhibet, et Judæis relinquit credendas; cōspiciat modò hæc, quæ de Magnete expertus loquor, & vel mihi injurato, vel oculis suis credat. *Magna sui faciunt*

C 3

per

per leviora fidem. Beati sunt
 (non inficias eo) qui, cum
 non viderint, credant: neq; ta-
 men contemnenda sunt pror-
 fus sensibilia hæc fidei admi-
 nicula, quæ suo more, & mo-
 do fidem adjuvant, & corro-
 borant. Ex his autem ut emo-
 lumentum aliquid nobis accre-
 scat, noverimus animas no-
 stras ab Adæ lapsu miro tor-
 pore, & gravedine laborare;
 clamante etiam poetâ gentili,

Perf. Sat.
 2.

*O curva in terras animæ, &
 cælestium inanes!*

conquerente *Bernardo*, car-
 nales eas factas & in carnem
 quodammodo versas: assimi-
 lante eas *Anselmo*, aviculæ ad
 lapidem ponderosum alliga-
 tæ: *Augustino*, apiculæ in
 mellis

mellis copia ita demersæ, ut alas suas nullo modo extricare, aut explicare possit. Degravat nimirum eas corporis moles, deprimunt seculares curæ, irretiunt cupiditates carnales, illaqueant voluptates illecebrosæ. Quis nos labit hoc onere? Quis tollet has sarcinas, quò leviùs scalam Jacobi ascendamus? Quis alas dabit columbinas, quibus coelos petamus, & municipatum in iis nostrum habeamus? Is solus, qui Magneti virutem suam infudit; solus ille, qui *Matthæum* è telonio, *Zachæum* ex arbore, *Philippum* è curru, *Eunuchum* è curia ad se traxit, ut eum in unguentorum suorum odore seque-

rentur ; qui nos olim in monumentis mortuos tubæ suæ clangore excitabit, ut ad illū, tanquam aquilæ ad cadaver, congregemur : ille denique, ad quem nemo unquam venit, nisi, quem virtute sua plus quàm Magneticâ traxerit, dum novam voluntati vim, vitam, et virtutem inspirando creat, et creando inspirat.

CAP. VI.

De Virtutis suæ communicatione, & in ferrum derivatione.

INter flosculos & lapillos pretiosos nullus fere est, qui dotē aliquam insignem à bonorum omnium largitore non acceperit: quam tamē cā
lege

lege accepit, sibi ut eam habeat, et in seipso inhærentē possideat; aliis autem connatis communicare & transfundere vix, aut ne vix quidem possit. Rosæ si malvam apposueris, nullum inde colorem, aut adorem roseum delibat. Smaragdo seu Sapphiro si silicem, aut pumicem admove-
ris, nullum inde splendorem mutantur. Solus Magnes hoc à natura singulari privilegio locupletatus triumphat, ut ferrum juxta positum sua virtute & verticite ditare possit. Quódque magis mireris anulum ferreum hac virtute sic imbuit, ut vicissus vicino, secundus tertio, & sic deinceps in longam seriem

eandem impertiat. Quódque fidem adhuc omnem pene superat, non modò per appositionem hæc facit, & contactum levissimum; sed etiam per transitum, quasi per divinum quendam afflatum; hoc tantùm discrimine, quòd in celeri transitu ferrum jejuniùs & leviùs imprægnatur, & minori verticitate inficitur: sin ad spatium aliquod longius immoretur, majorem imbibit virtutem, eam scilicet quæ fortiùs trahat, quæ diutius infideat, quæq; difficiliùs amittatur. Solus itaque et unicus hic lapis inter omnes res creatas dignus repertus est, qui Christi, & Spiritus sancti vim, & gratiam non adumbret

adumbret modò, sed ad vivum representet. Cum enim artium, scientiarum & linguarum peritia non sine improbo labore, & longâ temporis jacturâ acquiratur; Christus Spiritum suum, ejusque doctes multiformes Apostolis affatim insufflando largitur; quas illi fratribus suis; *Philippus* (puta) *Nathanieli*, *Paulus* *Timotheo*, continuatâ serie ad mundi usque finem transmittunt, longè certè mirori negotio; non per impositionem modò manuum, sed per transeuntis corporis umbram; imo per absentium sudaria. *Saul* in Prophetarum consortium obiter incidens spiritu prophetico leviter & ad
tempus

tempus tinctus est: *Elizæus* autem *Eliæ* lateri diligenter, & inseparabiliter ad ascensum ejus usque adhærens, uberiori Spiritûs quasi cornucopiâ ad miraculum repletus est. Preces etiam subitaneæ, quas ejaculationes appellamus, nunquam inauditæ, à cœlo redeunt, quin aliquam inde gratiæ portiunculam deducunt: quòd si quis per plures dies cum *Mose* & *Eliâ* jejuniis, & precibus invigilet, & pernoctet, mensurâ longè copiosiori, velut imbre largo, irrigabitur.

CAP. VII.

*De Virtute ferri attractice, cum
Christi Magorum tractione.*

Mirabilis profecto creatura-
rum quarundam rerum *Vide
Boskhie
rum.*
natura; sed vis creantis sem-
per major, in illo præsertim
lapide, --- *Quem nomine Graii
Dixerunt Magneta, lapis miro
attrahit usu,*

*Conc. 6.
Aoni
Paleari
lib*

*Quodcunq; objicitur ferrum, ta-
ctumq; quod illo est*

*Ducit, & hoc itidem veluti
Magneſia cautes.*

Christus autem nonne Mag-
netè quocunq; omnino mi-
rabilior? Quis neget? Ille e-
nim rem unā dūtaxat, et qui-
dem juxtā positā ad se trahit;
Christus verò æquè omnia,

&

& quæ longissimè, & quæ proximè distant; animata, & inanimata, ratione prædita, et rationis expertia. Magnes duntaxat ferrum, succinum tantum paleam ad se rapit: quid non, aut quos non trahit Christus ad seipsum? Ab illo condita, ad illum omnia, circulo ac gyro acta, uti flumina ad fontes suos revertuntur.

Ipse *Alpha* & principium produciens; Idem *Omega*, & finis ad se reduciens universa.

John 12.

Cum exaltatus fuero a terra, omnia traham ad meipsum, agebat olim, loquens, partim de suâ probrosâ in crucem exaltatione, partim de triumphali suo in coelos ascensu.

Exalta-

Exaltatus, actusque in crucem traxit latrohem vicinum, & in alterâ velut staterâ illi adpensum, quamlibet talento & onere immani peccatorum gravem.

Traxit Centurionem & alios tum nonnullos; qui, visis tot in morte ejus monstris, in urbem revertentes, miram pœnitudinem testabantur.

Traxit ad se Apostolos desertores, ac maximè Petrum. Exaltatus verò ascensu suo in cœlos, quid, aut quos ad se non traxit?

Traxit *Saulum* ex equo dejectum, è cœlo adloquutus: Traxit mox à Pentecoste, nunc quatuor, nunc sex milia, nunc alios, qui se Aposto-
lis

lis conjungebant, & denique
Jerofolymis relictis totum
occidentem.

O admirabilis potentia crucis ! O ineffabilis gloria passionis ! in qua & tribunal Domini, & judicium mundi, & potestas est crucifixi. Traxisti enim, Domine, omnia ad te, & cùm expandisses tota die manus tuas ad populum non credentem & contradicentem tibi, confitendæ majestatis sensum totus mundus accepit.

Traxisti, Domine, omnia ad te, cum in execrationem Iudaici sceleris, unam protulerunt omnia elementa sententiam ; cùm obscuratis luminaribus cœli, & converso

in nocturn die , terra quoque
motibus quateretur insolitis,
universaque creatura impio-
rum sese usui denegaret.

Traxisti, Domine, omnia ad
te, ut , quod in uno Iudææ
templo obumbratis signifi-
cationibus tegebatur, pleno,
apertóq; sacramento univer-
sarum ubiq; nationum devo-
tio celebraret. Nunc enim &
ordo clarior Levitarum et sa-
cratior , & unctio Sacerdotū
unū de omni gententoregnū.

Vt Cæcias nubes, sic popu-
los ad se Christus , nunc hos
nunc illos traxit. Vt enim vē-
tus ille dictus Cæcias (quem
Plinius media inter Aquilo-
nem, & exortum flare scribit)
unus contra aliorum Septen-
triona-

trionalium ventorum naturam nubes non pellit, sed verò attrahit : sic Christus undequaque quaquâ viâ omnes ad se vocat, adducit, attrahit.

Omnia traham ad meipsum, neque duntaxat omne, quod venit ad me non ejiciam foras.

Gloriosus ipse quidem tam multorum conversione, ad seq; attractu populorum; sed hodie idem seipso ab hac Magorum tractione, adoratio néque gloriosior. Trahe me quoque ô mi bone Iesu ad te ipsum; converte me & convertar ego. Nemo enim venit ad te, nisi tu, aut pater traxerit illum.

Tractio

Tractio ista { 1. *Situ.* } *Trabentis*
Magorum, { 2. *Ætate.* }
cæteris cele- { 3. *Majestate.* } *Christi.*
brior; qua à { 4. *Dignitate.* } *Secorum, qui*
{ 5. *Multitudine.* } *tracti sunt.*

1. *A Situ trabentis* : Nam
 è cruce traxit quidem , sed u-
 num, sed vicinum, sed adpen-
 sum illi , penéque confixum,
 nunc verò è cunis ipsis in
 Magis populos totos , extre-
 mo penè Oriente constitutos,
 stellâ unâ, veluti quodam cre-
 pundio attraxit.

Et post ascensionem in
 cælum , eundem ex throno
 illo gloriæ , & Patris dextrâ
 multos traxisse, hodiéq; tra-
 here, quid mirum ? at nunc è
 stabulo etiam Reges trahere
 quàm stupendum.

2. *Ætate*; Aliàs vir, iustæq;
 ætatis

ætatis traxit viros pilcatores
&c. Nunc & infans, & unius
nius propè diei super terram
traxit Sacerdotes, Philoso-
phos, Reges.

Prædictum scilicet jam o-
lim; Antequam sciet puet vo-
care patrem suum, & matrem
suam, capiet vim Damasci, &
spolia Samariæ contra regem
Assyriorum.

Vt *Hercules*, cùm in cunis
jam tum serpentes duos e-
lisit, victor fortè glorio-
sior fuit, quàm cùm deinde
adultus, in Nemæâ sylvâ in-
usitatæ molis leonem jugu-
lavit; cùm in Erymantho
Arcadiæ monte terribilem a-
prum viciniæ vestatorem vi-
vum cepit: sic Christus illu-
strior,

strior, cùm ad cunas ad se ador-
ratos se Reges traxit, puel-
lus adhuc lallans, quàm, cùm
in cœlo regnans, *Paulos* pri-
mum, & iterum *Constantinos*.

3. *Majestate*; Alios trahe-
bat, cùm miracula jam multa
edidisset, ac nova etiã ederet;
ut terræ motum, saxorū scis-
suras, tenebras orbe toto, &c.
Nunc verò pusio, nondum æ-
re lavabilis, adhuc in cunis
vagiens, perséq; (nisi Angeli
pastoribus, stella Gentibus,
vagus hospitibus proderet)
ignotus : Ecce tibi procures
superbos illos *Persarum* re-
ges, qui se homines fateri no-
lebant, in stabulum, quasi cu-
riam, velut die dicto, per stel-
lam, quasi Apparitorem, ut
veluti

veluti causam dicant, & attractorum instar supplices fiant, ad se sistit, trahit, nolentes volentes cogit. O *Magnetem* ! O tractorem hodie verè admirandum !

4. *Dignitate*; Aliàs latronem seu sicarium unum, Centurionem, & pauculos alios; deinde promiscuam plebem, &c. Nunc summos & Philosophos & Reges Orientis non infimos, aut saltem regum legatos, imo reges in legatis (si tamen non fuisse hos reges credendum esset) traxit.

5. *Multitudine*; Aliàs paucos, hodie unum & alterum, cras mille : Nunc verò è cunis tria simul regna, Chaldæ-

um, Arabicū, Sabæū: Nam ---

--- totus componitur orbis

Clandia-
nus.

Regis ad exemplum.

Conversos, averfos, perversosque reges ferè passibus æquis plebes consecretantur.

Quis putas puer iste futurus erit? Verè, verè plusquam ^{3. Reg.} Salomon hic! Ad Solomonem ex Saba ventum est quidem, allataq; munera; sed ad grandævum, sed ad sapientiæ famâ celebrem, &c. Sed à fæmina, & (quamvis regina & Sibylla quorundam opinione) tamen fæminâ. Ad Christum verò & puellulum, & in stabulo, & sub paleis delitescentem in mediò duûm animalium, cognoscendum & viri, & reges, & Antistites sacrorum,

rum, & Philosophi, & fortè
ab extremo Oriente adcurrerunt.

Non modò plusquam *Salomon* hic, sed ipse plusquam ipse, *i.e.* ipse puer se viro maior; voluntate tamen, ac dispensatione; non infirmitate ac necessitate. Omnia enim, quæcunque voluit, fecit, & quando voluit in cœlo, & in terra.

Traxisti ergo, Domine, omnia ad te, totum cum regibus suis Orientem; imo gentes omnes in viris tribus istis, quos Ecclesiæ progenitores vocat *Chrysostomus*; Nos primitias Gentium non male (opinor) etiam appellamus, vel semina, primaque
termina,

*m. 7. in
Matthe-
um.*

germina , & flores Ecclesiæ
ex gentibus.

C A P. VIII.

*De eademcum ministrorum & con-
cionatorum animas ad Christum
convertendi potestate.*

SI ea Christiano cuipiam,
verbi præsertim ministro,
quæ *Solomoni* olim, cùm *Gi-
beone* mille Deo obtulisset
holocausta, libera quidvis pe-
tendi daretur optio ; quid ei
prius, aut potius in votis esse
deberet, quàm ut amplam e-
jus attractivæ, & Magneticæ
virtutis portionem a Deo ac-
ciperet ? qualem *Petro*, &
Paulo, reliquisque eorum o-
lim impertiit, quos hominũ
piscatores fecit, quorũ operâ

D

mun-

mundum ad se traxit, & convertit. Ecquid enim imperatori gratius esse possit, quàm ut cives multos servet, & hostes plurimos captivos redigat? Ecquid piscatori, quàm ut piscium multitudinem retibus inclusam è mari in litus pertrahat? Inolevit crebra apud vulgus fama, & opinio de * Aquilæ ossifragæ adipe, eam inesse ei virtutem, ut ad eum pisces in Stagno omnes resupini, & semisopiti adnatent, facileque se capi, & manibus tractari patiantur. Quod si verum esset, quàm studiosè eum inquirerent piscatores? et quanto precio compararent? Christus autè & potis est, & solet ministrare

* Ossifragæ.

nistros suos eâ facultate instruere, eâq; virtute ἐλπιῖν imbuere, quâ oves errantes ad eum reducant; quâ animas palantes lucrifaciant; quâ & se, & suos servare, gregemque sibi cōmissum in fide, et caula retinere possint: quod quibus concessum est, non video, quid sibi majus petere, aut quid aliis melius invidere possint.

CAP. VI.

De Auri & Argenti neglectu, Ferri autem unitione, cum Christi Angelorum, præteritione, hominumq; electione.

AVrum & Argentū quid aliud sunt, quàm mundi hujus elementaris monar-

chæ, reliquis metallis, regis & reginæ in morem, imperantia? quorum quasi comites, et procures sunt lapides, qui vocantur pretiosi, Æs & stannum equestris ordinis; plumbum autem & ferrum vulgus: Auri & argenti quàm infano amore flagrant homines? lapides autem pretiosi quanti apud principes & Magnates æstimantur? gemmæ & conchulæ quanto in honore & pretio habentur? Habent nimirum splendorem suum, ut & reliqua metalla, quò spectantium oculos alliciant, animosque fascinent. Ferrum interea, cùm nullius coloris aut pretii sit, vili ab omnibus pen-

penditur, vilique passim venditur, sub pedibus ubique conculcatur; infimum inter hæc omnia & locum & gradum obtinet. Quibus tamen omnibus non obstantibus, imo spretis prorsus, & pro nihilo habitis, hisce omnibus suam naturam claris & illustribus, ferrum præ omnibus his elegit *Magnes*, quod violento & avido ad se affectu rapit, quod arcto amore complectitur, cuius solius copulam, & unionem unicè appetit; cuius amicitiam, & vicinitate mirum in modum gaudet; cuius sodalitio, & famulatu perpetim utitur: quin & *Siderites* à ferro honoris causam cognominari voluit.

D 3

Qui

Qui sympathiam hanc nobilem miramini, conjicite oculos in Christi *φιλανθρωπίαν*, & nostram electionem. Angeli etiam lapsi si ad nos homulos conferantur; immane quàm gloriosæ sint creaturæ! quàm nobiles spiritus! quorum scientia nostram cæcitatem, potentia imbecillitatem, decus & dignitas obscuritatem, quot, quantisque parasangis anteit? At horum naturam non assumpsit Dominus noster, sed præteritis, & in lacu sulphuris, & in *Gebennæ* carcere jacentibus, nos vermiculos, nos pulverem & cinerem elegit, nos misellos amavit; os de osse, caro de carne nostrâ, de muliere factus,

factus, eam super Cherubim
& Seraphim evexit, in super-
cælestibus federe, ab Angelis
& Archangelis adorari fecit;
nos sanguine suo pretioso re-
demit in statum filiorum
Dei, hæredum, & cohæredum
cooptavit; divinæ suæ natu-
ræ, gratiæ, & gloriæ participes
fecit. Quis hic cum *Chryso-*
stomo non exclamat: ἰδοὺ τὸ
κυρίον ἡμῶν φιλοῦν, θεοπίαν, μηδὲ
ψυχὸν πρᾶγμα τῷτο εἶναι νομίσας,
ὅτι ὅντως, θαυμαστὸν καὶ ὁπιπλή-
ξεως γέμων, καὶ τῷτο, πολλάκις εἰς
ἡμῶν ἐγὼ λαβὼν εἴσταμοι, καὶ μεγάλα
πρὸς τὸ ἀνθεοπίαν γύας φαντά-
ζομαι. Videte etiam vocatio-
nem vestram, fratres mei;
non esse *vix*: Multos sapi-
entes & potentes secundum
D 4 carnem,

1 Cor. 2.6

carnem ; non multos illustri
 profapiâ editos ; verùm, quæ
 vilia sunt mundi , quæ stulta,
 elegit Deus , ut prude faceret
 sapientes.

CAP. X.

De Magnetis, & Christiannorum
αἰρεσων ποληψία.

ECce porro utriusque αἰ-
 ρεσων ποληψία. Ferrum e-
 nim tam in arcâ ligneâ,
 quàm in aureâ capsulâ in-
 clusum ; tam vaginâ pelli-
 ceâ, quàm thecâ olofericâ
 tectum agnoscit, & ad se at-
 trahit *Magnes* : ferrum tan-
 tum est, quod respicit, fer-
 ri ornatum & vestitum qua-
 lem-

nemcunque despicit. Fer-
 rum est, quod quærit, quod
 amplectitur; non aureæ pha-
 lera, aut bractea, quibus cir-
 cumtegatur. *Quare pudeat nos,*
fratres, cum respectu persona- Jaco. 2. 2.
rum habere gloriosam nostram
Iesu Christi fidem; ita ut si
 quis in cætum vestrum in-
 grediatur aureum gestans an-
 nulum, & veste indutus splē-
 didâ; ingrediatur autem &
 pauper sordidè vestitus, &
 respexeritis ad eum, qui ve-
 stem gestat splendidam, et di-
 xeritis ei. Tu sede hîc pulchrè;
 pauperi autem dicatis, Tu sta
 illic, aut sede subter scabellū
 pedum; nonne iudices facti e-
 stis perversè deliberantes, &
 discrimen apud vos iniquum

facientes? Nonne Deus elegit
 pauperes hujus mundi, ut di-
 vites fierent fide, hæredes
 regni, quod promisit ipsū
 diligentibus? Quin potius &
 Dominicam & Magneticam
 hanc ἀρεσσωπλησίαν intuen-
 tes, & considerantes utramq;
 imitamini; & Christianos
 ignobiles, idiotas, egenos
 & contemptui habitos seculi
 hujus illustribus, sapientibus,
 & opulentis anteponite, vo-
 bisque comites, amicos, con-
 juges in Domino tantū e-
 ligite, diligite, cum iis in ter-
 ris amicitiam colentes, qui-
 buscum in æternum victuri
 estis. Hoc enim Domino,
 Deoque nostro gratum, &
 acceptum est, apud quem nec
 mas,

mas, nec foemina, nec Barbarus, nec Græcus, sed nova in Christo creatura omnia est in omnibus.

CAP. XI.

*De ponderum gravitate, qua Magnetes
supra quàm Gygates attrahit.*

Qui semel Magnetem cum admiratione vidit, non solum modò, & ramenta ferrea, sed grande & ingens ferri pondus, anchoram putà, quæ viginti libras æquet, attollentem facilè, & in altum ab humo elevantem; quanto ille cum contemptu Gygatem, & succinum conspexit paleas, & festucas ad se, postquam attritione calefacti fuerint attrahentes? Tantundem & longe majus.

majus discrimen cernere est
 inter sapientū, & stultorum;
 inter sanctorum, et carnalium
 animas : quorum istæ ea cu-
 rant, et meditantur solummo-
 do, quæ magni sunt momen-
 ti, quæ ad regnū Dei, suamq;
 æternam salutem attinēt; illæ
 autem mundi hujus quisqui-
 lias, & nugas sectantur : Non
 minus certè, quàm inter mer-
 catores, qui magni valoris
 merces coemunt; & nugiven-
 dulos agyras, qui tricas, api-
 nas, et crepundia circumge-
 stant: inter araneas, quæ mus-
 cas captant; aquilasque quæ
 lepores & ardeas venantur;
 interque aucupes deniq; qui
 columbas; & pueros, qui pa-
 piliones insequuntur.

CAP.

CAP. XII.

De mundicie, quam & Magnes, & Christi Spiritus in objectis requirunt.

FErrum autem utcumq; appetat *Magnes*, non tamen nisi mundum, & politum attrahit; mundiciem mirum in modum amat, & affectat, fordes autem valdè odit, & averfatur. Vnde est, quòd, si anchoræ lateri rubiginoso, aut pulvere confuso eum applicueris, vel non omnino, vel ægrè, & languidè vires in eam suas exeret exercebitque; eundem si terfo, & benè limato lateri apposueris, totis eam quantiscunque viribus ad se avidè rapiet, & fortitè ele-
bit.

bit : similimus in hoc Spiritui columbino , qui in cordibus puris , tectisque candidis tantum inhabitat ; immundis, & sordidis abstinet, & avolat. Sensit hoc magno suum cum damno, & dolore *Regius ille vates*, qui postquam corpus suum adulterio, animam homicidio, utrumque sanguinibus polluisset ; non prius Spiritus reditum, & redingressum obtinuit, quam utrumque lachrymis, & seria penitentiâ purgâisset.

CAP. XIII.

De primorum ferri ad Magnetem motuum, & animarum ad Christum tarditate, & sequentium velocitate.

LAtum & clarū discrimen est inter primum ferri ad polos Magneticos motum, & posteriores omnes à primo ortos. In primo enim tactu, tractuque patitur potius ferrum, quam agit: trahitur quidem intactum ferrum, sed obtorto quasi collo, & volens nolens lentè, tardèque accedit. Ante contactum enim, aut nulla prorsus intercedit ferro cum Magnete amicitia, nulla ad polos respectiva verticitas; aut ea tam languida,

guida, & altùm sopita, ut sensibus percipi vix possit : quæ postquam per coitum & afflatum Magneticum excita semel, & expergefacta est, sponte & celeritèr ad Magnetis nutum, & minimum quasi sibilum accurrit.

Major & manifestior disparitas inter actus motûsque eos, qui conversionem nostrâ ad Christum præcedunt, & comitantur; eósq; qui eam ut fructus, & effecta consequuntur. Habet enim se in illis præcedaneis voluntas nostras hostiliter & passivè, erátque in nobis non sopita tantum modò, sed & mortua prorsus omnis cum Deo familiaritas; neque ab eo alieni
tantum

tantum eramus, sed averſi
 prorfus & inimici, *συνητοὶ καὶ*
συγδυῖτες, exoſi, & odio De-
 um habentes: In lapſibus au-
 tem & peccatis iis, quæ poſt
 converſionem perpetrantur,
 ſimile quid nobis accidit, ac
 limaturæ ferreæ diutiùs ab
 igne torrefactæ, aut ſordibus
 inquinatæ, vel rubigine vitia-
 tæ: corrumpitur enim ab his
 humor ferri viſcoſus, & mi-
 nuuntur vires, quæ velut in
 ægroto corpore difficiliùs à
 Magnete reſuſcitantur, ægri-
 ùs ab eo trahitur huiusmodi
 ferrum, nec in tanta diſtancia,
 nec tam citato curſu. Apoſta-
 tis autem, & ad mortem con-
 tráq; Spiritum ſanctum pec-
 cantibus idem omnino acci-
 dit,

Hebr. 4.

dit, quod eidem limaturæ in
furno reverberationis valen-
tèr, & vehementèr adustę, &
in *Crocum Martis* (ut vocant)
versæ , cujus verticitas nullis
Magnetis viribus renovatur,
nec ullis incantamentis revo-
catur, utpote in totum & pe-
nitus deformata. Nam fieri
non potest, ut, qui semel fue-
rint illuminati , gustaverint-
que donum illud cœleste , &
participes fuerint Spiritus
sancti, gustaverintq; bonum
Dei verbum, ac virtutes futu-
ri seculi, si prolabantur, ut de-
nuo renoveantur ad resipi-
scentiam.

CAP.

CAP. XIV.

De ferri longè remoti lento ad Magnetem motu, ejusdem appropinquantis celeritate.

FErrū in vasis adversâ parte longinquiùs à Magnete remotum, tardiùs ad eum vergit, & lentiori motu versus eum tendit; quo autem viciniùs appropinquat, eo gradum grandit, & velociùs advolat; magis enim, magisque invalescit virtus, & acceleratur coitio. Non aliter Patrum eorum, qui ante diluvium, & circa *Mosis* ætatem degebant, quique adventū Christi in carne multis postea sæculis futurum prospiciebant, tepidiùs, & languidiùs eum desiderabant: qui autem paucis ante nativi-

nativitatem ejus annis (ut *Zacharias & Simeon*) cum quasi solem jamjam ex oriturum cernebant , totis ad eum affectuum velis, remísq; ferebantur. Idem in nobis , qui in fines seculorum incidimus, debet esse fervens & ardens erga secundum ejus, qui jam præ foribus est , adventum animus, & appetitus. Idem in Christianis ætate proVectis, quorum salus, & gloria propinquior est , quàm cùm recens conversi primitùs crediderunt. Non secus quàm rivulorum decursus , & impetus multò est prope Oceanum, quàm juxta fontes concitator. Tempus jam est, (inquit senex *Zanchius* ad

Stur-

Sturmium decrepitum (ut ad Christum & cœlum stelliferum à terrâ properemus , scientes nos ibi propediem cum Domino futuros.

C A P. XV.

De acubus ad Magnetem , & animabus ad Christum , non sine tremore post recessum redeuntibus.

SI Magnetem in vase ligneo rotundo, tanquam nautam in cymbâ, locaveris, ita ut liberè super aquæ superficiem in cisternâ, vel dolio, huc & illuc fluctuare ad placitum possit, seipsum continuò cum vase sæpius circumvolveth, neque priùs quiescet, quàm polos utrosq; cœlestes rectà respexerit ; à quibus eum si vi
manuum

manuum dimoveris , iteratis
 versionibus se circumgyrabit,
 neque priùs tremulo motui
 finem imponet, quàm polos
 eosdem repetierit. Idem in
 acu Magnete illitâ videre est;
 quam si a polaribus punctis
 decusseris, per singulos pyxi-
 dis & mundi angulos inquie-
 ta circumvolitabit, neque ali-
 ter se, quàm cum tremore
 quodam versus polos sistet.
 Eandem animabus nostris le-
 gem imposuit Deus, post-
 quam peccando nosmet ab
 ipso dirupimus, exales dein
 cum *Caino*, ab ejus facie huc
 & illuc circum vagamur, mo-
 tibus infestis agitamur, in ter-
 râ *Nod. i.e.* inquietudinis, vi-
 tam transigimus, ædificamus,
 dirui-

diruimus, rotunda quadratis
 mutamus, quaquaversum ve-
 lut ægroti in lecto voluta-
 mur, quò nos vertamus ne-
 scii vanitatibus innumeris
 cum *Salomone* spiritus no-
 stros vexamus, usque dum a
 spiritu columbino edocti, ad
 arcam *Noe, i.e.* quietis rever-
 tentes, cum carceris custode
 ad pedes ministrorum con-
 tremiscentes prosternimur, et
 cantilenam *Davidicam* edi-
 scimus; Quid te dejicis? quid
 te turbas animula, vagula, mi-
 sella? quid in me perstrepis?
 In Deum tuum spera; in sal-
 vatorẽ tuum onus tuum con-
 jice, onus ejus leve in hume-
 ros tuos suscipe, & requiem
 invenies sempiternam.

Per

Per motus varios, & per discrimina mille

*Tendimus in requiem, quò mens
lassata quiescat.*

*Hanc solam præstat Christus,
pax unica nobis;*

*Sola quies, alibi nullam sperare
quietem.*

*Pax alibi bellum est, pacem
TE poscimus omnes,*

*Omnem qui captum superas &
mentis acumen.*

CAP. XVI.

*De mediis interpositi crassitie non im-
pediente tractum Magneticum.*

EX omnibus stupēdis Mag-
netis operationibus, nulla
est, quæ magis attonitos tenet
spectantium oculos, quàm
quòd

quòd virtus ejus crassa tabu-
lata, vasa figulina, marmorea,
metallica penetret, & per-
transeat: ita ut nihil tam spif-
sum aut solidum sit (ne au-
rum quidem, quod suâ den-
sitate reliqua metalla antece-
dit, ne murus aut caminus la-
teritius (experto credite) nec
corpus hominis obesissimi)
cujus interpositio viam mu-
niat, & obstruat ejus effica-
ciæ, & virtutem ejus impedi-
at, quò minùs filum aut ver-
sorium ferreum commoveat,
&, quò velit, impellat, unde
autem velit, deducat. Ne quic-
quam ei laminæ æneæ, argen-
teæ, stanneæ, licet valdè cras-
sæ, obstant, nec attractionem
ejus retardant.

E

Suprà

De Civit.
Dei lib. 21
cap. 4.

Suprà fidem, inquit *Augustinus*, illud est, quod a fratre, & coepiscopo meo *Severo Milevitano* de isto lapide cōperi. Seipsum namque vidisse narravit, quemadmodū *Bathanarius* comes *Africae*, cū apud eum convivaretur Episcopus eundem protulerit lapidem, eūmq; sub argēto, ferrūmq; super argentum posuerit. Deinde sicut subter movebat manum, quā lapidem tenebat, ita ferrū desuper movebatur: atq; argento medio, nihilq; patiente, concitatissimo cursu infrā lapis ab homine, suprà ferrum rapiēbatur a lapide. Dixi, quod ab illo audiui, cui, tanquam ipse viderim, credidi. Tu verò
lector.

lector, mihi si placet, injurato
 fidem adhibe, qui sæpiùs co-
 ram multis testibus locuple-
 tibus, jámq̃ue cum hæc literis
 mando, Magnetem oculis
 hisce conspicio, qui subter
 mensam sex uncias crassam,
 trans murum lateritium ver-
 sorium in aquæ vasculo su-
 per mensam positum huc &
 illuc celerrimè circumagitet.
 Quod cùm oculis cerno & a-
 nimo verso, mirari prorsus
 desino; nulla pericula tam
 formidabilia fuisse, nullũ tor-
 menti genus tam crudele; ne
 carceres, rogos, aut equuleos,
 qui sanctos & fideles à Chri-
 sti amore separare potuerint,
 aut aliquo modo obstare,
 quò minùs Agnũ, quocunq;

iret, sequerentur, neque effi-
 cere ut nominis ejus profes-
 sionem fideiq; defensionem
 defererent. Neque mediocri-
 ter hæc fidem nostram circa
 resurrectionis articulum au-
 gent, & corroborant; neque
 tantillum dubitare patiuntur,
 ne monumenta & sepulchra,
 ne maris aut terræ profundi-
 tas impedimēto in fide Chri-
 sti mortuis esse possint, quò
 minùs vocem Christi, & An-
 gelicæ tubæ clangorem audi-
 entes ad vitam resurgant, &
 velut ad cadaver aquilæ, ve-
 locissimè congregentur. At-
 que hic finis est, & scopus,
 quem sibi in mirandis illis
 narrandis proposuit sanctus
 ille Pater; ut intellectum per
 sensum

sensum informaret, & pervisibile miraculum articulum resurrectionis redderet facile credibilem.

CAP. XVII.

De annulorum Magneticorum & Christianorum spirituali & mirandâ concatenatione.

HVic affine, néque minùs mirum est illud, quod cum primùm vidit, inhoruisse multum se fatetur idem ibidem *Augustinus*. Cernebam, inquit, a lapide ferreum annulum raptum atque suspensum; deinde tanquam ferro, quod rapuerat, vim dedisset suam, communémq; fecisset, idem annulus admotus est alteri, eúmque suspen-

E 3

dit :

dit : atque ut ille prior lapidi, sic alter annulus priori annulo cohærebat. Accessit eodem modo tertius, accessit & quartus, (duodecim hoc ordine concatenatos vidisse me attestor :) jamque sibi per mutua connexis circulis, non implicatorum intrinsecus, sed extrinsecus adhærentium, quasi catena pependerat annulorum. Quis istam vim non stu-peret, quæ illi non solum in-erat sed per tot suspensa tran-sibat, & invisibilibus ea vin-culis subligabat ? Similem ca-tenam pari cum admiratione sed altiori meditatione con-templatus est *Gregorius Na-zianzenus* is, qui cum in vivis esset, Theologi nomen apud omnes

omnes meruit. Sic enim orationem illam quam apud Constantinopolitanos in Archiepiscopatus initio habuit, exorsus est. Non possum non mirari, quid vobis in mentem circa conciones meas venerit; quàmque ob causam peregrinâ hac nostrâ voce exili, & nihil in se amabile habenti ita capti sitis, ut eodem modo erga me affecti videamini, quo ferrum erga Magnetem. Nam & ex me pendetis, & alii ex aliis mutuo nexu coherentes, & omnes ex Deo; a quo, & in quẽ omnia, *Ὁ θαυμασίος ἀλλόσιος*, O catenam nunquam satis prædictam! quam vinculis firmissimis compactam necit ipse

spiritus non manu vel arte,
 sed Dei ipsius digito fabrefa-
 ctam, aureis torquibus defæ-
 ctiorem, adamantinis firmi-
 orem, gemmeis pretiosio-
 rem. *Dion. ὡς ἐν* Tres enumeravit, vel
ἐλκυστρίας. excogitavit potius aurei &
 ingenii, & oris, Orator alle-
 goricas catenas, quibus vul-
 gares, quotquot sunt in mun-
 do, amicitia copulantur. Vo-
 luptatis primam, quam ex
 rosis, violis, floribusque mol-
 lioribus quasi corollam Bac-
 chanalem contexuit. Secun-
 dam utilitatis, quam ex annu-
 lis argenteis aureisque con-
 flavit. Honoris tertiam, quam
 ex gemmis, & lapidibus pre-
 tiosis compegit: viles omnes
 & facile fragiles catenulas,
 quibus

quibus quæ conglutinantur
amicitiæ, quid aliud sunt,
quam vitreæ, & argillaceæ, si
ad hanc spirituales, invisibi-
lem, incontaminatam, & im-
mortalem conferantur? nul-
lum hic spurcum libidinis
gluten, nullum avaritiæ sor-
didum cæmentum; nullum
hic ambitionis, aliorumque
vel humorum, vel vitiorum,
contemperamentum. Sola hæc
τηλεότητος σὺνδεσμος, perfectio-
nis illa copula fuit, quæ pri-
mævos illos Apostolos, et au-
rei verè seculi Christianos in-
ter se continuit, cùm omnes
credentes eodem loci ma-
nentes omnia habebant cõ-
munia, possessiones & facul-
tates vendebant, & prout cui-

E. 5.

que

que opus erat, dispertiebant;
 unanimitus indies in tem-
 plo perdurantes, panem
 domesticatim frangentes, ci-
 bum cum exaltatione & cor-
 dis simplicitate capientes,
 laudantes Deum, & gratiam
 habentes apud populū. Gra-
 tiam nimirum iis, apud Gen-
 tiles conciliavit, novosq; in-
 dies iis allexit, et adjunxit fra-
 tres Magnetica hæc charitatis
 catena, quam ipsi Pagani sus-
 picientes clamabant; Vide, ut
 invicem se amant Christiani!
 Vide, ut mori pro se invicem
 parati sint! Hoc illud cæleste,
 & spirituale charitatis vincu-
 lum fuit, quod regiū illud &
 nobile par amicorum tam ar-
 cte constrinxit, Davidem &
Iona.

*Tertul. in
 Apologeti.*

Jonathanem intelligo; quorum alter alterum amore plusquam fæmineo supra se ipsum, supraque regnum hæreditarium ad mortem usque coluit: quorum pares nulla inter *Ethnicos* ætas novit, nulla *Philosophia* peperit. Præ quorum amicitia, *Scipionis* illa & *Lælii*, *Pyladis* & *Orestis*, reliquorumque ejus furfuris parium, quid aliud dici meretur, quàm veræ & vivæ charitatis umbratile cadaver & simulachrum?

CAP. XVIII.

*De Magnete, & Christo majora per
instrumentum, quàm immediate
suapte virtute efficientibus.*

MAgnes ut valdè mirifi-
cus, sic mysticus impri-
mis lapis est; non minùs ar-
canis operandi modis, quàm
potentibus operibus insig-
nis; quorum illud ultimum
non est, quòd cum ipse tra-
ctricis, & elevatricis virtutis
fons, & sedes sit primaria, to-
tum tamen ejus honorem in
ferrum quasi deditâ operâ
transferat. Idem enim lapis,
qui nudus, & per se parum,
aut nihil trahit, ingens pon-
dus ferri ferro armatus ele-
vat. Vidi ipse Magnetem, qui
vix

vix uncias septem inermis
 tolleret, ferro (ut barbari lo-
 quuntur) cappatum, viginti
 duo pondo fortitèr, & facile
 in altum tollentem; referen-
 tem in hoc summum naturæ
 opificem, primúmque moto-
 rem: qui cùm ipse Pater lu-
 cis sit, mundum tamen hunc
 vasibilem per solem illumi-
 net; ipse in cœlis invisibilis,
 & (quæ nostra cæcitas & de-
 mentia est) incultus plerisque
 & illaudatus. Homines eti-
 am per filium hominis redi-
 mit, salvat, & judicat, eique
 vicariam omnē in cœlis, ter-
 risque potestatem delegat, cu-
 jus divinitas & majestas in
 carnis velo, velut in cornu lu-
 cerna, sic latuit, ut non nisi
 suis,

fuis, iisque paucis per miracula pateret ; qui jam etiam sese in cœlis occultans, hominum ministerio (ut ferri *Magnes*) idoneo, & homogeneo utens instrumento, homines ad se vocat, trahit, & convertit, in sui honoris societatem ministros assumens. Qui vos (inquit) recipit, is me recipit ; imo ampliores in eos transmittens : Qui in me credit, majora (inquit) faciet, quàm ego feci. De Christo ipso non legimus eum unâ concione centum ; de *Petro* narratur, eum tria millia convertisse : quæ ejus *φιλας δεσπια* parùm abest, quin omnia ejus cætera miracula superet. Vt enim artis & artificis ars summa est

Mat. 2.

est artem celare ; ita viri boni prima laus , & virtus est, virtutis laudem seipso celato in alios derivare ; neque est, in quo homines ad Deum propius possint accedere. Mirentur & laudent in *Ioabo* alii alia, me quod attinet, inter omnia ejus præclara facta, hoc heroicum virtutis ejus specimen præcipuum semper censui quod victoriæ suo Marte partæ gloriam , & coronam in *Davidis* caput transferre voluerit , & valuerit. In cæteris enim alios, in hoc seipsum vicit ; quod honorificentius longè fuit, quàm si de *Rabbâ* & *Ammo*-^{2 Sam. 12} *nitis* centies triumphâisset.

CAP. XIX.

*De eo quòd decuplo plus ponderis per
binos, quàm singulos terminos, seu
cappas trahat.*

OBiter autem, nec intempestivè moneam, Magnetem eâ lege vim, & virtutem suam in medium, & instrumentum transfundere, ut exiguam ejus portiunculam uni sigillatim cappæ, seu termino polari; largam & amplam conjunctim binis impertiat. Cujus cum experimentum in robusto lapide ceperim, & terminorum alteri ferrum apposuerim, duo vel tria tantum pondo, idque ægrè sustulit, cum simul utrisque viginti duo nullo negotio in altum evexit :

evexit : ut non modò verum
 sit illud *Salomonis* ; Duo me- *Ecc. 4. 9.*
 liores sunt, quam unus: simul
 enim si cubent, citiùs conca-
 lescunt ; si cadunt, eorum al-
 ter socium erigit, nec illud
 tritum modò lippis etiam
 notum, vim unitam esse for-
 tiorem. Quis enim duplo for-
 tiorem esse non videt, & fa-
 cilè agnoscit ? at decuplo ut
 fortior sit; hoc & rarum, & in
Magneticis experimentis sin-
 gulare clarum est. Ut non mi-
 rum sit (observante *Origene*
 in *Geneseos* primo) dupla, &
 compaginata pleráq; Deum
 fecisse: ut cùm simul cœlum,
 & terram; solem, & lunam;
 marem, & feminam creâsse
 in historia memoretur; Chri-
 stumq;

stúmque; discipulos suos non singulos, sed binos emisisse, ut alter alteri, velut pes pedi, manus manui mutuam commodaret operam, & viribus animisque conjunctis fortius & fælicius vivos ad Christum lapides traherent, & super eum ædificarent.

CAP. XX.

Plus multò valent instrumenta, quæ arctè, quàm quæ laxè Christo vel Magneti adherent.

NEque silentio prætereundum duxi, ingens illud discrimen inter armaturam polis Magneticis laxè, & remissè ligatam eandemque apertius, & arctius iisdem astrictam. Si enim vel minimus inter-

intercedit hiatus, multò mi-
 nori virtute imbuitur, cassi-
 ùs, languidiùs, & inertiùs o-
 nus suum trahit; neque dimi-
 dium ejus ponderis elevat,
 cujus totum facillimè, si ad
 unguem sine levissimâ fissu-
 rà coadunetur: quæ ratio so-
 let à Theologis assignari,
 quare Christi humanitas tam
 sit supra modum & mensu-
 ram omnem oleo Spiritûs in-
 uncta & repleta; eò quòd hy-
 postaticè, & *ὁμοτικῶς* cum
 Deitate uniatur: modo scil:
 & nodo arctiori, quàm à no-
 bis aut concipi, aut exprimi
 possit. Quare sanctorû illi tā-
 tū apud Deum valuerint, qui
 indefinētèr cum eo ambulā-
 rint, ut *Enochus*; qui indivulsè
 deo

deo adhæsit, ut *Elizæus Elias*,
 à cuius latere ne latum un-
 guē discefferit. Quare *Sampso-*
nus tot ediderit miracula,
 quamdiu fæderis, & unionis
 suæ cum Deo signaculum il-
 læsum servârit, quo semel per
 capilli tonsuram læso & a-
 misso, sicut cæteri mortales,
 imbellis, & hostibus præda
 factus est. Quare deniq; sum-
 mum Christiani bonum in
 hoc ponatur firmiter cum
 Davide Deo suo adhærere, &
ἡ ἀπαράσῃ τῇ ἐκκλησίᾳ, ἡ πα-
ση τῇ ἐκκλησίᾳ τῇ καρδίᾳ τῇ
ἐκκλησίᾳ τῇ Κυνία, i. e. inseparabi-
 liter agglutinari, firmoque
 cordis proposito in Domino
 permanere.

CAP. XXI.

Magnes ferro polito meliùs, quàm auro splendido armatur, & Theologorum conciones Scripturæ testimoniis, et solidis rationum mementis, quàm Rhetorum flosculis.

Illud insuper animadversione nostrâ non est indignum, quòd ut in objecto, sic & in medio seu instrumento, non tam fulgorem, quàm nitorem; non tam splendorem, quàm mundiciem postulat. Nec enim auro, aut argento armari amat, sed ferro tantùm; nec tamen eo fæculento, aut rubiginoso, sed purgato, & polito. Qualem armaturam concionatoribus, & præscribit, & suo exemplo com-

commendat Apostolus ; eam
 nempe , quæ non in verborū
 eminentiâ , sed in Spiritus &
 potentiæ demonstratione cō-
 sistit. Nec enim Oratorum
 filii sumus (ut magnus ille
Theologus ad *Libanium Rhe-*
torem) sed piscatorum : neque
 carnalibus armis contra hæ-
 ticos dimicandum , sed argu-
 mentis validis ab subversio-
 nem turrium , & munionū ;
 ad everSIONem altitudinis
 omnis extollentis se adversus
 cognitionem Dei. Quare nec
 conciones , nec scripta nostra
 tam poetarum flosculis , aut
 Philosophorum argutiolis ,
 quàm aut scripturæ oraculis ,
 aut rationum momentis irre-
 fragabilibus armamus , me-
 mores

mores quòd muri *Ierichuntis*, non tubis aureis, aut argenteis, sed corneis, & arietinis difflati & demoliti fuerint. Quæ non ideo à me dicuntur, ac si sordes & balbutiem, multò minùs *Barbarismos* & *Solæcismos* affectet Evangelium, sed eum sermonis nitorem, & claritatem, quam & præcepit, & assecutus est *Lactantius*: ita ut poma scripturæ aurea candor dictionis includat argenteus: ita ut materiæ soliditatem, & salubritatem, verborum comitetur suavitas; sitque orationis Theologicæ, vestitus et ornatus non juvenilis, sed senilis, non meretricius, sed matronalis; non fucatus denique, & effæ-

effæminatus , sed natus , & masculus. Plures ad se traxit Dominus noster cruce, quàm sceptro armatus ; coronâ spineâ, quàm si aureâ fuisset redimitus.

CAP. XXII.

Tractionis laus omnis Magneti, non ferro, & operum bonorum Christo, non hominibus debetur.

IN illo execrandæ memoriæ bello , quod olim Ecclesiæ cum *Pelagianis* acerrimum intercessit , quæri sæpe multumque solet, cui potissimum imputari, & de quo verissimè prædicari debeant, fides, quâ in Deum credimus, & bona, quæ facimus ad ejus gloriam, opera. Num gratiæ
in

in solidum divinæ ascriben-
da; an libero nostro arbitrio?
Vel huic partim, & partim
illi, æquâ factâ inter utrûm-
que partitione? Si enim (in-
quit *Pelag:*) vera sunt, quæ
vos de voluntatis nostræ αὐ-
τεξουσία & libertate differitis,
eam mortuam prorsus &
nullam omninò esse, sequitur
non hominem esse qui cre-
dit, sed Deum; non homi-
nem esse, qui misericordiam,
& liberalitatem exercet, qui
eleëmofynas largitur, sed De-
um: ac proinde non est ho-
mini laudis, vel mercedis ne
minima quidem inde porti-
uncula, vel debita, vel expe-
ctanda, sed omnia Deo soli in
totum ascribenda, cujus præ-
fidio,

Vide Hieron.
ad Crescypben-
tem.

fidio, & adjutorio singulas
quæ nos facere videmur,
efficiuntur. Atque hoc illud
Achilleum erat argumentum,
cui neminem respondere
posse jactitabant. *Hieronymo*
quoque & *Augustino* invidi-
am apud imperitos conflare
fatagebant: quod idem plane
est, ac si litem quis inter Mag-
netem, & ferrum hujusmodi
moveret, & foveret, utri ho-
rum attrahendi, & elevandi
virtus attribui debeat? Fer-
rumne an Magnetem trahere
propriè dicendum sit? Quod
si penes oculos, & sensus ex-
teriores arbitrium sit, ferro
laus omnis cedit. Si enim
Magnetem pondus apposueris,
decidit; si ferreæ armaturæ,
tollit.

tollitur, & retinetur; clamaturque rusticus spectatum admissus, ecce, *Magnes* ignavus est, parum aut nihil trahit, ferrum est, quod elevat, & attrahit. Verum enim vero; si ad intellectum, & rationem judicium deferatur, *Magneti* iterum virtutis attractricis laus omnis vindicabitur, & asseretur. Concludit enim Philosophus, & doctos arbiter, nihil hinc ferrum suis, & propriis viribus agere, sed *Magneticis*, & à lapide manantibus: eademque ratione victus fatebitur, nos a Deo actos divino auxilio omnia, quæ rectè agimus, agere; Deoque fidei, & bonorum operum gratiam, &

gloriam omnē acceptam referendam. Quare *Gordius* hic nodus *Herculeo* hoc gladio facile dissectatur; nisi malit quis cōtentionis ferram eandem semper reciprocare, & funem litis in infinitum ducere. Quid enim, obsecro, si coram fanâ mente præditis, *Magnetem* quis casside ferreâ armatum, & ohus ingens trahentem ostendet; nonne in *Magnetem* omnes oculos cōjicere virtutem ejus omnes stupere, & prædicare: de ferro autem silere, & ne gry quidem hiscere? neque id injuriâ. Ferrum enim, si animal esset ratione, & oratione præditum, erumperet ipsum lubentissimè in *Magnetis* præconium.

conium; libentissimè palam
 profiteretur, se non suâ, & in-
 natâ virtute valere, & poten-
 tem esse, sed alienâ, & a *Mag-*
nete haustâ, & infusâ. Non ali-
 ter, quàm luna non suis, sed
 solaribus radiis splendere
 sese agnoscit; Quàm fœmi-
 na mariti sui dignitate illu-
 stratur. Vnde est, quòd Apo-
 stoli, cùm claudum præ tem-
 pli foribus sanâssent, applau-
 sum omnem popularem tan-
 to opere repudiârunt, dicentes,
Viri Israelitæ, quid de hac re
 miramini? aut quid intentos
 in nos oculos habetis, quasi
 propriâ potentiâ, aut pietate
 effecerimus, ut hic ambulet?
Deus ille Abrahami, Isaaci, &
Iacobi, *Deus ille patrum no-*

1. Cor. 3.

Atororum filium suum Iesum
 glorificavit. Nec minùs cau-
 tè, & prudenter Paulus, Non
 ego, inquit, sed Christus in me
 potens fuit, cujus gratiâ sum,
 quod sum. Quis Paulus? quis
 Apollo? quis Cephas? nisi in-
 strumenta & ministri Dei,
 per quos credidistis, unus-
 quisque, prout ei dedit Do-
 minus? Ego plantavi, Apollo
 rigavit; sed Deus est, qui dat
 incrementum; qui plantat, nihil
 est. Vinca Salomonis est; lo-
 cat autem vineam suam hor-
 tulanis, & custodibus: Mille-
 ni si li Salomonis sunt, du-
 centi custodientium fructum
 ejus.

CAP.

CAP. XXIII.

Ferrum in se vile Magnetico conjungio nobilitatur, & nos homunciones spirituali cum Christo unione.

Scatent ubique terrarum ferri venæ; patent in omni villâ, & vico ferri officinæ. Servit id infinitis hominum usibus; sed iis vilibus, & obscuris. Fiunt ex eo omnimoda instrumenta, sed ignobilia, qualia sunt equorum soleæ, claves, serræ, clavi, ferræ, ligones, vomeres. Ut taceam balistas, bombardas, sclopetos, & id genus hominum pestes. Honos omnis, & dignitas ferro à Magnete oritur, & crescit; qui quidem plus ferro nobilitatis

confert, quàm auro Rex ille
 Ægyptius; cùm è matulâ
 Deorum effigies conflavit,
 quas procures suos colere coe-
 git. A Magnete enim exci-
 tum, fando vix exprimi po-
 test, quot, & quanta efferat
 humano generi emolumen-
 ta: ut vani sint in hoc Chy-
 mici, cùm somniant, velle
 natutam metalla cætera in
 aurum mutando perficere.
 Quis enim non perspicit, de-
 bere nos multò plus acubus
 nauticis, et horologicis, quàm
 quicquid uspiam est, auro, &
 lapidibus pretiosis; utpote cu-
 jus ope, & beneficio hæc om-
 nia, & reliquas omnigenas
 merces conquiramus? Ita ut
 minimè mirum nobis videri
 debeat,

debeat, quòd ferrum tam ho-
 norificum cum Magnete cõ-
 nubium tantopere appetat,
 & ambiat, ut ad eum conspe-
 ctum tam præpropere cursu
 advolet: cujus nimirum co-
 pula & coadunatione tam
 mirificum & Herculeum e-
 vadat. Ecquis autem tam sti-
 pes & fungus est, cui hæc
 contuenti, & contemplanti
 non in mentem veniat pristi-
 ni & miserrimi illius, in quo
 nati sumus, statûs, & condi-
 tionis tristis recordatio, in
 quo ire scilicet, & ignominia
 vasa; mundi, Satanæ, & cupi-
 ditatum turpium mancipia
 fuimus; quorum Deus ven-
 ter, gloria dedecus, exitus
 confusio? Ecquis tam pumex

& filex, qui sibi à lachrymis temperet, cùm in animum revocet, quàm ad omnia officia Deo, & hominibus debita inutilis fuerit, præterquam ad fruges consumendas, horas bonas malè locandas, carnis concupiscentias implendas, ad iram in diem iræ thesaurizandum? Ecquis autem tam gelu, & glacies, ut cùm seriò, & serò nimis hæc secum cogitet, & pensitet, non ardeat, & flagret totus, cœlestis illius cum Christo conjugii desiderio, quo Dei filius, Christi cohæres, cœli civis, & municeps esse, & dici mereatur? Ecqua anima tam belluina & terræ filia est, ut carne & sanguine adhuc volutare

lutare malit, quàm spiritûs
 sancti afflatu ad cælestia eri-
 gi, & attolli, ad munera spiri-
 tualia, & Angelica obeunda
 agilis, et idonea reddi, quibus
 & se, et alios servare possit, et
 ad opera ea præstanda; qui-
 bus salutem æternam, & cæ-
 lorum regnum consequi va-
 leat? Ecquis ad hæc tam fur-
 dus, & contumax est, ut por-
 tas suas immortales non ape-
 riat, per quas intrat Rex ille
 vitæ, & gloriæ, cujus ingressu,
 & incolatu, ad divina, & he-
 roica, omnia munia peragen-
 da animari, & corroborari
 possit?

Cap.

CAP. XXIV.

Magnetis cum gemmis collatio, quod vires & formam attinet.

ESt auro solaris suus fulgor, argento lunaris splendor, æri & cupro flavedo venusta, stanno & plumbo *Mercurialis* nitor, Margaritis candor, & lævor illustris, Adamanti scintillans et micans claritas, cæterisque lapidibus pretiosis gratus & lucidus cuique color, quibus aspicientium oculos ad se alliciunt, & fascinant; Magneti autem ferrugineus, lividus, *Saturnius*, & obscurus quidam aspectus, quem tamen mirâ, & intrinsecâ virtute ditavit, & dotavit

ravit naturæ Dominus: illis
 interim externam suam spe-
 ciem sufficere voluit, quam
 præter, nihil illis donavit,
 quo pretium aut honorem
 sibi apud homines concili-
 ent. Et est certè pulcherimus
 hic ordo & lex æquissima,
 quam in donis suis distribu-
 endis constanter observan-
 dam sibi proposuit; dum nul-
 li vel omnia vel plura cumu-
 latim confert, sed singula sin-
 gulis ita divisim impertit, ut
 habeant singula singulare ali-
 quid in quo emineant sine
 cæterorum vel injuriâ, vel
 invidiâ. Præclarum hujus
 œconomix exemplar & spe-
 cimen animadvertas licet,
 tam in lapidibus, quàm in
 homini-

hominibus. In utrisque enim rarissima est externæ formæ, & internæ virtutis copula, & concordia: difficilimum eisdem pulchritudinem, & fortitudinem inesse; corporis robore eundem, & animi prudentiâ excellere. Est autem forma, & splendor huiusmodi bonum, quod non latet, sed statim foris patet, seseq; oculis conspicientium ostentat: prudentia autem, & fortitudo non nisi actis, et exercitiis multis sese produnt, & demonstrant. Plurimos in historiis reperies formâ præstantes, ob nullum egregium facinus celebres: emollit enim possessores suos, otiosi & deliciarum suadet, ut nullius alterius

alterius gloriæ indigos. Erat ^{tertul. de}
 è contra Dominus noster vir ^{resurrect.}

dolorum, infirmitatem expertus, néque species, néque decor ei inerat, unde eum desideremus; vermis; & non homo; nullificamen populi.

Quod autem ad spiritûs plenitudinem attinet, Speciosus præ filiis hominum; super quem sapientiæ, & consilii spiritus requievit, in quo omnes thesauri, sapientiæ, qui unguentorum suorum odore omnes ad se allexit, & traxit: quem nos sequentes, formam habentes negligamus, non habentes ne doleamus, aut habentibus invidemus, internis virtutibus gloriemur,
 et.

& operibus bonis, serico probitatis nosmet vestiamus, byssino sanctitatis, purpurâ pudicitia. Taliter ornati, & pigmentati Deum habebimus amatorem, Sanctos imitatores, Angelos spectatores, & laudatores.

*Terul. de
cultu fe-
minarum.*

CAP. XXV.

In parvis Magnetibus & Christianis, quàm in magnis grandior esse solet Deus.

Magnes Magneti tantum interest, quantum & homo homini. Prima differentia est à vigore, ex quo quidam mares, alii fœminæ. Secunda à mole, unde quidam gigantes, alii nani. Sunt quidam mole magni, virtute imbelles, qui

qui sibi pondus æquale vix,
 & ægrè attollunt, exigui &
 parvuli avellanæ nucis quan-
 titatem non excedentes, qui
 suum pondus sexagies, imo
 centies multiplicatum attol-
 lunt. Grandior enim solet
 esse Deus in parvulis, quàm
 in magnis. In formicis ma-
 jor anima, quàm in elephan-
 tis; in nanis, quàm in gigan-
 tibus. Si magnus aliquis da-
 retur Magnes, qui suum pon-
 dus quinquagies multiplica-
 tum elevaret, periculum esset,
 ne Idoli instar adoraretur. In-
 ter pauperes, facultatibus, &
 viribus tennes, multos videre
 est pietate, & sanctitate exi-
 mios, & insignes, cujusmodi
 si inter seculi hujus nobiles,
 doctos,

doctos, et potentes, quis occurreret, nigri cygni similis esset, et metuendum, ne pro numine et semi-deo à plebe coleretur. Tria autem sunt indicia manifesta, quibus lapides validiores, et vivaciores ab imbellibus, et ignavis discriminantur. Primum, quòd opus suum expeditius absolvunt, ocyus se versus polos convertunt, fortius trahunt, ægrius dimitunt. Secundò, quòd onera graviora facilius tollant, clavos plures, & annulos sustineant. Tertiò, quòd ampliorrem habeant activitatis suæ sphaeram, ad objectum remotius, & distantiùs vires suas extendant. Totidem planè notæ.

notæ & signa sunt, quibus Christiani nobiles, & heroici à tepidis, & vulgaribus dignoscuntur. Quòd ad bona opera alacriores, & agiliores; neque arcam, ut vacculæ, gemebundi trahant. Secundò, quòd crucem, & tentationes graviores fortiùs sustineant, *Sampsonis* instar, qui portas aeneas humeris suis nullo negotio sustulit. Quòd deniq; non unum, aut alterum, aut paucos, sed plures ad Christum animas lucrari & trahere satagant. Sic enim de *Barnabâ* memoratur, bonum eum virum fuisse, & multos ejus operâ ad Deum conversos.

C.A.P.

CAP. XXVI.

In minimis Magnetibus omnes reperiuntur circuli, licet non eadem amplitudine: in minimis Christianis omnes gratiarum habitus, et si non gradus.

MAgnes autem robustus, etsi Magnetem imbellem multis parasangis virtute superet: in hoc tamen omnes tam validi, quàm invalidi conveniunt, quòd in singulis duo termini polares, totidem circuli *Tropici, Aequinoctialis* unus, ut in cœli, terræq; globis, conspiciantur: ita ut si magnum aliquem Magnetem in mille frustra diffecueris, nullum eorum tam exiguum erit, in quo non omnes prænotatos

notatos Mathematicos circulos deprehendes: quemadmodum néque ullus Christianus tam modicæ fidei & tam mediocris staturæ est, quia Christi plenitudine gratiam pro gratia non acceperit; etsi non omnes eandem singularum mensuram, & gradum, eundem tamen omnes numerum, idem omnes virtutum omnium *πρόσθεσις* *μὴ πένον*: non secùs, quàm in unius diei infantulo parentum & membra, & lineamenta singula clarè cernuntur.

CAP.

CAP. XXVI.

*Magnes Magnetem congruè juxta se
positum juvat, incongruè lædit.
Idem accidit in hominum commer-
ciis tam bonis, quàm malis.*

SI mille filices in unum cu-
mulum coacervaveris, ni-
hil omnino vel damni, vel
commodi capiet alter ab al-
tero filex à filice: diversa lon-
gè *Magnetum* ratio est, quo-
rum unum si juxta alterum
locaveris, vel si plures pro-
miscuè in unum acervum
conjeceris, vel detrimenti, &
vitii aliquid, vel virtutis & e-
molumenti hauriat, necesse
est, vicinus à vicino.

Si enim juxta leges *Mag-
neticas*, & in terminis naturæ
sua

suæ congruis convenient, ita
 ut *Australe* punctum juxta
 alterius *Septentrionale* dispo-
 natur, attrahetur, recreabitur,
 & corroborabitur imbecillis
 à robusto; si contrariis, & in-
 congruis, fugabitur, & infir-
 mabitur. Simile quid in ho-
 minum amicitiiis, & societati-
 bus obtingit; ubi boni sem-
 per aliquid ob vicinum bo-
 num, et mali ob malum acci-
 dit. Corrumpunt enim bo-
 nos mores prava commercia;
 corrigunt, et confirmant bo-
 na: vitii aliquid scelerati af-
 fricant, virtutis aliquid in-
 fundunt probi et studiosi.
Aegyptios et *Israelitas* in de-
 serto iter facientes media in-
 tercessit nubecula columnæ
 in

in formam , cujus posterius
 latus nigrum, & caliginosum
 sequebantur *Aegyptii* ; ante-
 rius verò lucidum , & candi-
 dum aspiciebant *Israelite*.
 Quicquid in nobis maculosi
 est, & vituperio digni, id imi-
 tantur , qui filii sunt teneba-
 rum ; splendidi quicquid, &
 laude digni, id ii, qui lucis, fi-
 lii, & qui spiritu Dei Agun-
 tur.

Quare non modò caven-
 dum nobis est, quibuscum
 versamur, sed quibus legibus,
 & conditionibus non sine
 magno cum delectu, & accu-
 ratâ circumspeditione ; nisi
 morum corruptelam inde
 pati velimus perniciosam.

CAP. XXVIII.

Vt Polis Magneticis in diversis regionibus, sic viris bonis & malis in diversis sæculis suum regnum est.

Tantum polis *Magneticis* quantū in manibus dextræ & sinistræ interest : in diversis enim telluris regionibus, divisum sortiuntur imperium. In *Borealibus* enim mundi partibus discrimen termini *Borealis* manifestum est, quod majorem ferri obelum attollit, quam potest in iisdem *Australis* ejusdem polus.

Prævalet in hoc mundo caro spiritui ; corpus hîc animam degravat ; Dominantur in hoc sæculo filii *Belial* : assigna-

G

signa-

signatur enim cuique à Deo
suus locus, suum tempus, su-
um regnum.

CAP. XXIX.

*Eodem modo Christus aream suam,
quo mensas aurifabri, accuratè
purgat.*

ADmirabili artificio men-
sas suas purgant aurifa-
bri, in quibus ferrei pulvis-
culi passim cum aureis mis-
centur, qui à limis, & malleis
inter poliendum decidunt;
Magnetem enim robustū ma-
nu super mensam ad digiti
distantiam circumgestāt, qui
ferri ramusculos ab aureis
accuratè sine damno ullo se-
gregat, dum aureis præteritis,
& relictis ferreos arripit; Eo-
dem planè modo suam are-
am

am in illo die perpurgabit Dominus. Cùm enim duo simul in eodem lecto fuerint, accipietur unus, relinquetur alter: cùm duo simul in eodem pistrino molentes, assumetur unus, relinquetur alter: novit enim Dominus, qui sunt sui, & hædos ab ovibus distinguet, paleam à tritico ventilabit. Neque magis mirum, aut arduum nobis videri debet, quòd singula de functorum membra, & particulæ propriũ suum corpus repetāt, quàm, quòd apiculæ singulæ suas in alveari cellas, & agniculi singuli suas in grege matres distinctè agnoscāt, ferriq; singula ramēta *Magnetem* versus advolent.

CAP. XXX.

Et Magnes & Christus unà cum virtute gravitatem suis impertiunt.

NEque pigeat nos hoc obiter anotare, quòd unà cum supra-notatis virtutibus, ferro etiam ponderositatem quandam indat, & infundat *Magnes*. Acûs enim terminus ille, qui tactus, & excitus est, intacto aperte præponderat, & terram versus fertur. Neque aliter Christus gratiis illis, quibus suos imbuat, gravitatem superaddit, quæ certè animæ humane, non minùs, quàm navis faburra, utilis est, & necessaria. Gravitas autem etsi inter virtutes à Philosophis non

non numeretur; est tamen
 eorum omnium et ornamen-
 tum, & munimentum. Est
 autem vir gravis is, qui pro-
 positi sui tenax, instituto suo
 (ut basi statua) innititur, &
 semper eidem insistit: nec
 (ut leviculi & vani) quavis
 aurâ populari, vel novâ qua-
 vis doctrinâ, & exemplo cir-
 cumfertur, & in novas for-
 mas mutatur.

CAP. XXXI.

*Magnes à caelestibus polis telluris a-
 more deviat, ut & nos à veritate
 divinâ hominum authoritate moti
 deflectimus.*

VBicunque gentium libe-
 ro & nativo motu frui-
 tur *Magnes*, rectâ ibi polos
 G 3 utrof-

utrosq; tam *Borealem*, quàm *Australem* respicit, nec à vero meridiano quicquam discedit : contingit autem multis in terræ , marisq; locis, ut in punctum aliquod Horizontis vero Meridiano finitimū, & à punctis polaribus, in punctum ad ortum, & occasum gradibus quibusdam diversum deflectat, & deviet; quæ anomalia nautis variatio dicitur. Oritur autem, & causatur à magnis, altis, & robustis terræ continentibus, ad quas *Magnes* inclinat, dum ad matris suæ telluris partes eminentes se convertit, et polos cælestes ob earum amorem deserit. Quæ variatio molestissimam parit nautis incer-

incertitudinem, non ei dissimilem, quæ pastoribus & gregi Christiano accidit in *Theologia* cōtroversis discutiendis, & dijudicandis. In quibus quamdiu scripturæ regulam observant, nec ab immoto Prophetarum & Apostolorum fundamento, canonēq; infallibili dimoven-
tur, veritatem tamdiu & unitatem in pace ecclesiæ retinent. Quam primū vero in partium studia scinduntur, & huic, vel illi virorum doctorum, autoritate & scientiā pollentium, cætui, & sectæ se adjungunt, eorum suffragiis & sententiis plus tribuunt, quàm indubitatis Dei oraculis. Hinc tot in Ecclesia

schismata, hæreses, & bella
 plùs quàm civilia. Quibus
 malis nullum aliud remedi-
 um excogitari potest, aut op-
 tari melius, quàm ut Christi
 vocem in scripturis loquen-
 tem, veram, & vivam fi-
 dei, & vitæ, morum, &
 doctrinæ normam, & du-
 biorum omnium judicem
 supremum admitterent? se-
 cundum quam regulam in-
 cedentes, Pax erit super Is-
raelem Dei.

CAP.

CAP. XXXII.

Hallucinantur homines in lapidum, & rerum æstimatione; dum non ex usu, sed ex specie pretium iis imponant.

SI vera sint illa, quæ de rerum censu sensit *Romanus* ille Censor, Assẽm contra charum esse, quod humano generi non proffit; vile esse, quicquid est inutile; & pretii nullius usũs, tum certè summæ vanitatis rei sint illi, & iniqui rerum æstimatores, qui patrimoniorum, & amplarum possessionum jacturâ gemmas & lapides pretiosos sibi comparant, qui nihil iis solidi emolumenti conferunt, nihil iis prodesse possunt,

G 5

sunt,

sunt, nisi ad splendorem superfluum, & cultum externū, unde nec corpori, nec animæ quicquam accedit commodi, cū interim *Magnetem* flocci faciunt, & teruntii æstiment tot virtutibus insignitum, tot usibus, à natura destinatum, et tot necessitatibus humanis inservientem *Raymundo* verò si fidem adhibeamus, Dei solius est, qui ad intra crescere non potest, quique interno augmento, & complemento non indigeat; æstimationem in hominum cordibus, nomen, & benedictionem in linguis eorum; honorem denique, & gloriam ad extra quærere: hominem autem, qui internâ
per-

perfectione, & bonorum
 realium incremento solum-
 modo egeat, quo magis ho-
 norem quærat eum, qui in
 aliorum pectoribus situs est;
 eò magis vanitatem, inanita-
 tem, & vacuitatem persequi;
 eoque miseriores, pauperio-
 res, & a solidâ perfectione,
 & beatitudine remotiores
 esse. Quæ si ad veritatis a-
 mussum examinentur, etsi
 nimis rigida, & Cynicum,
 vel Stoicum rigorem sapere
 videantur (licet enim & ho-
 minibus à Deo concessum
 est, ea, quæ ad ornatum
 spectant, moderatè quærere)
 tantum tamen, & tam in-
 gentem pecuniæ vim in iis
 comparandis profundere,
 tam

tam immensum iis pretii excessum imponere, spretis & contemptis iis, quæ majori sunt usui, & pluribus dotibus ditata, non video, quin extremæ sit stultitiæ, ne dicam dementiæ.

CAP. XXXIII.

De æmulatione Magneticâ, & Christianâ.

NUscquam in vegetativis aut sensitivis, vix in ratione præditis tam aperta vel concordia, vel discordia; nusquam tam acris, & ἀσπονδὸς æmulatio, quàm in *Magneticis*, quæ proflare punctum tam avidè appetunt, eoque solo in solidum frui, rivalium in morem, ambiunt, ut ejus gratiâ

gratiâ miras inter sese & ami-
 citias, & inimicitias exerce-
 ant. Si enim duo fila ferrea
 oblonga, & acuta telluris aut
 terrellæ polis superimpen-
 das, statim in imis suis termi-
 nis concurrunt, & concor-
 dant; in summis invicem sese
 fugiunt, & fugant; si brev-
 ia, & obtusa fuerint, in imis a-
 versantur sese mutuò, in sum-
 mis osculantur, & amplex-
 antur. Simile contentionis
 pœum est avaris lucellum,
 ob quod figulus figulum o-
 dit; lascivis prostibulum, ob
 quod mutuis sese vulneribus
 confodiunt ἀλάστορες, Ambi-
 tiosis primatus, & princi-
 pum favor, ob quem dolis,
 & venenis certant aulici:
 Chri-

Christiam verò , Christo ut
 fruantur, Christo ut serviant,
 & placeant, in hoc omnem
 suam & φιλοπρίαν, φιληδονίαν,
 & φιλαργυρίαν consumunt.
 Accepto de Christi resurre-
 ctione nuntio cursu inter se
 contendunt, & simul excur-
 runt *Petrus & Iohannes*: ante-
 vertit autem *Petrum*, & prior
 ad monumentum venit dile-
 ctus ille discipulus, qui no-
 mine suo modestè celato hi-
 storiam æmulationis hujus
 descripsit. Similis προξυσμός
 similem fortasse ob causam
Paulo cum *Barnaba* inter-
 celsit. --- Ἀγαθὴ δ' εἰς ἡδὲ
 βλάβη. *Iacobius* ut benedi-
 ctionem & primogenituram
Esauo præriperet, cum arte
 suâ

suâ & ope maternâ supplantavit.

CAP. XXXIV.

Pugnant inter sese contrarii Magnetis termini, non secus quàm caro & spiritus, & mutuò sese è subjectis suis expellunt.

SEPTÉTRIONALI Magnetis termino si quis cultellum affricuerit, virtutem inde Magneticam imbibit, quâ ferrum & attrahit, & elevat; eundem si contrario & Australi apposuerit, virtute prius acquisitâ spoliatur, & vertigine afficitur, ita ut ferrum, nec attrahat, nec elevet cultellus. Idem accidit iis, qui eorum vitia imitantur, quorum mores admirantur. Idem etiam

etiam iis, qui postquam con-
 cionem in Ecclesiâ attentè
 audiêrunt, preces ardentè ef-
 fuderint, bonos inde motus
 aliquos, & intentiones conci-
 pientes, priorem vitæ cursum
 mutare, ad frugem redire in-
 stituunt; in impiorum con-
 sortium incidentes, in lupa-
 nar, aut popinam ingredi-
 entes, mox ut canes ad vomi-
 tum, ut sues ad volutabrum
 revertuntur. Perinde ac si
 quis cibo salubri accepto ve-
 nenum continuò bibat, aut
 cicutam comedat; vel in bal-
 neo lotus in cœno se volutet.
 Quorum exitus initio deteri-
 or; in spiritu incipientes in
 carne desinunt. Aufert enim
 iis malignus ille verbi semen
salutare,

salutare, quod nunquam in
iis radices altas egerat; &
virus suum letale infundit,
quo reddit eos ad omne bo-
num opus ineptos, & repro-
bos.

C A P. XXXV.

*Quod acus inter duos Magnetes, id
inter duas opiniones fluctuans.*

Circūcellionibus illis, qui
artem præstigiatoriā ex-
ercent, quique ludos jocularis,
& spectacula venalia populo
exhibent, familiare est acum
ferream in lebete fluctuan-
tem sic inter duos *Magnetes*,
quos manibus abditos cir-
cumgestant, disponere; ut in-
certa inter utrumque discur-
rat, nunc hunc attrahentem,
nunc

nunc illum retrahentem insequatur, ad neutrum appellat, neutri adhæreat. Similes sibi ludos, similia mundo spectacula edit diabolus, dum viros illos; quos Apostolus *διψυχους* appellat, *Cyprianus* ancipites palpatores temporum, in levitate tantum constantes, molendini instar quovis doctrinæ vento circumagitat; quales olim *Ecebolius*, nuper *Spalatensis*, aliique quorum nominibus parco, qui inter cælum, terramq; penduli, inter Deum, *Baalem* claudicantes, nunc Deo, nunc *Mammoni* servant, nunc præsens, nunc futurum seculum amplectuntur, nec Deo, nec hominibus accepti;

accepti : quos *Carpenterius* cani famelico assimilat inter duos lepores , vel inter duo convivia nunc hâc , nunc illâc cursitanti , neutrum assequenti.

C A P. XXXVI.

Ejusdem amoris tam in Christo, quàm in Magnete contrarii effectus.

MAgnes ex humilitate & amore totus componitur , merum amorem spirat, fellis omnis expers, ad usum, & commodum humani generis creatus, nulli damnum, nulli detrimentum asferens; quòd si quandò ferrum à se fugare, & repellare videtur, nullâ id superbiâ facit, nullo odio inductus, sed

sed eo tantum fine abigit, ut melius affectum, & terminis congruis dispositum per ambages quasdam ad se revocet, & reducat. Non secus quam Dominus noster, qui totus, & solus bonus; totus, quantumcunque, Amor, & Bonitas, in salutem humani generis natus, omnes ad se allexit, neminem ad se venientem foras abiecit. *Canaa* nitidi repulsam dedit, ut canem increpavit, non alio animo, quam ut enixius, ei supplicaret, ardentius advolaret; & arctius adhereret; eoque suos animo redarguit; ne puniat; minatur, ne feriat; judicat in hoc seculo, ne condemnet in altero.

CAP. XXXVII.

*Eadem ratio est anima regenita , quæ
acus Magnetica ; irregenitaquæ,
ferrea.*

ACUS merè ferrea , & à
Magnete intacta , omnes
mundi plagas æqualitèr re-
spicit , æqualitèr in omni-
bus , prout accidit , acquiescit.
Quòd si polos aliquando re-
spexerit , eosque versum ac-
quieverit , fortuitò id fit , & ex
mero casu , nullo vel naturæ
instinctu , vel proprio mo-
mento. Tacta verò & à *Mag-
nete* semel imprægnata sem-
per & solūmodò polos ver-
sum tendit. Nec aliorsum , nisi
telluris amore victa , vel ex-
ternâ vi coacta , deflectit.
Haud

Haud aliter Anima purè naturalis & irrogenita, ad malos & peccaminosos actus prona semper & proclivis est. Quòd si forte opus aliquod materialiter bonum egerit; nullo id ex proposito, nedum ex habitu facit: sed fortè (ut dici solet) fortunâ, & cæco impetu, quali visûs & artis expers corvum aut metam jaculo ferit. Eadem inspirata, à Deo docta & acta, actus suos omnes secundum virtutis præcepta, & verbi divini canonem, ad Dei gloriam constanter dirigit. A quo scopo si per infirmitatem, fortis alicujus tentationis vi, aberraverit; fit id omninò præter intentionem et contra voluntatis

ratis institutum : Vnde est quòd carnalium et merè civilium opera , licet extrinsecùs splendida & speciosa, parùm Deo grata sunt : Sanctorum autem licèt imperfecta et maculosa, non veniã modò, sed & gratiam, Christi causâ, in oculis ejus inveniunt, portiùs quàm merentur ; qui opera eorũ non tam actibus quàm finibus pensare solitus est.

CAP. XXXVIII.

De Magnetum & Christianorum tam vilitate quàm raritate : deq; locis eorum natalibus.

Magnetum ubiq; magna est hodiè copia, ita ut contemptum pepererit nimia eorum familiaritas, apud vulgus,

vulgus, cui nihil pretiosum
nisi quod rarum. Nulla ferè
regio, nulla ferri fodina, in
quâ non reperiantur Magne-
tes; Magnetes scilicet vulga-
res, notæ nullius, nullarum
virium: eximii, nobiles, &
robusti perpaucissimi. Ho-
minum ubique abundè satis;
Heroum, doctorum, & sapi-
entum parùm. Christiano-
rum nomine & titulo tenus,
vilis est annona; verè autem
fidelium & qui titulo tanto
dignos se præstent, Magna u-
bique caritas & raritas.

De loco & regione si quis
inquirat in quâ Magnetes ge-
nerosissimi nascantur; Tu-
lit olim celeberrimos *Mag-
nesia*, cui nomen suum accep-
tum

tum referunt, ubi vel nulli
 vel steriles hodiè reperiun-
 tur. Vulgares ex *Elbâ*, &
Norvegiâ; validissimi è *Ben-
 galâ*, *Chinâ*, & ex locis calidi-
 oribus ad nos advehuntur.
 Certissimum autem est, nul-
 lam certam gentem aut ter-
 ram esse, quæ hoc privilegio
 perpetuò gaudeat: Verùm
 prout Naturæ collibitum est,
 nunc hanc, nunc illam, hac
 forte beare. Non secùs quàm
 olim in *Antiochiâ*, nomen
 & sedem primi sortiti sunt
 Christiani; in *Beræâ*, nobi-
 lissimi. Nuper *Anglia* tam
 Sanctorum quàm Doctorum
 insula feracissima cluit, &
 mater fælicissima: Non aliâ
 tamen lege quàm ut Deo li-
 berum

H

berum

berum sit, nunc istam, nunc illam Ecclesiam hac insigni prærogativâ cohonestare.

CAP. XXXIX.

Causas rerum abditarum incassum, subtilitèr, & inutilitèr; effectus & usus facilius & felicius exquirimus; tam Theologi, quàm Philosophi.

DE causis & rationibus mirorum & mysticorum *Magnetis* effectuum, quòd nullam hætenus in medium protulerim sententiam, si quis rationem exigat; in causâ sciat esse, quòd certam & determinatam rationem eorum assignare, *Boetio*, aliisque, non modò difficile, sed & impossibile prorsus videtur. Multa in
finu

sinu & gremio Majestatis
 suæ latere voluit natura, quæ
 mentis humanæ rationem
 consequi noluit; quæ miran-
 da, potius quàm rimanda re-
 liquit. Non desunt tamen
 qui tractionis Magneticæ
 συνήθειαν, i. e. affinitatem *Clemens.*
 quandam cum ferro, ratio-
 nem satis claram & sufficien-
 tem autumant. Alii ἀπορροίας
 πνευματικῆς, incorporeos & *Plutarch.*
 spirituales quasdam evapo-
 rationes et effluxus ut causam
 designant. Confugiunt pleri-
 que ad commune Philoso-
 phorum asylum, ἀδελφὴν ἰδιότητα *Galenus.*
 πνευματικῆς, i. e. occultam qualitatem
 à spiritu lapidifico *Magneti*
 ingenitam. Verùm nos in
 causis rerum, non ut nocturæ
 H 2 lippi-

lippimus solùm, sed ut talpæ
 prorsùs cæcutimus; in iisque
 subtilitèr indagandis operam
 & oleum perdimus, frustra-
 que ingeniorum lacertos de-
 lassamus. Quanto infructuo-
 siùs & inauspicatiùs in altis-
 simis, tam electionis divina,
 quàm vocationis humanæ,
 causis investigandis & red-
 dendis, horas & operas suas
 locarunt Scholastici; dum vel
 fidei, vel operum prævisio-
 nem, vel aliud omnino ali-
 quid extra Deum, decreti di-
 vini, aut discriminationis hu-
 manæ, rationem excogitant.
 Reservanda & relinquenda
 sunt Deo imperii sui arcana,
 qui suos haud impunè pati-
 tur in secretorum suorum ar-
 cam

cam curiosius introspicere. Superbiam et stultitiam hanc luerunt olim *Bethshemita*. Βα'θ'ος & abyssus quædam est immensurabilis & impene- trabilis. Myſteria quædam Dei ſunt ἀνεξερεῦντα καὶ ἀνεξι- χνίατα quæ ſi nobis revelaffet; effent foraffis ἀρ'ρητα καὶ ἀπορ- ρητα, minimè propalanda & promulganda. Meliori cum laude, majori cum utilitate ingeniorum fuorum nervos, in iis quæ ad praxia & uſum vitæ humanæ, quæq; ad ele- ctionem & vocationem no- ſtram confirmandam perti- nent, impenſius & intenſius exercerent. In arborem fru- giferam ſi quis incidit nec ter- ram defodit, nec radices de-

H 3 nudat,

nudat, sed fructus oculis hiantibus intuetur, & manibus avidis decerpit. *Adamo* & soboli ejus celsisset in perniciem minùs, & magis in salutem, si arboris vitæ fructus comedisset, arboris scientiæ poma non omninò degustasset.

CAP. XL.

De mendaciis & abusibus, quibus & Magnetes, & res, & viri magni sunt obnoxii.

HActenus in variis & præclaris Magnetis usibus recensendis immoratus sum; paucis deinceps abusus ejus perstringam, necnon fabulas, quæ per ora virûm volitantes fidem aliquam apud vulgus

vulgus credulum nactæ sunt. Qualis illa imprimis est de arcâ *Mahometis* ferreâ in aëre pensili, in sacello *Magnetibus* camerato; quod falsum esse constanter affirmant, qui *Mecham* usque peregrinantur. Quam ex affini fabellâ natam auguror, quam refert *Plinius* de architecto *Dinocrate*, qui templum *Arfinoes Alexandria* *Magnetibus* concamerare inchoaverat, ut ejus simulachrum in aëre pendere videretur: intercessit autem mors & ejus, & *Ptolomai*, qui id sorori suæ jusserrat fieri. Cujus farinae sunt illa commenta *Serapionis*, seras eum, & clavaturas aperire, naves

in medio cursu sistere, clavos
 ex iis extrahere: necnon illud
Arnoldi de villâ novâ, *Dæ-*
mones eum fugare; illud insu-
 per *Marvodaï Galli* philtrum
 esse amoris optimum, et uxo-
 res maritis, maritos uxori-
 bus reconciliari; cui aucta-
 rium hoc addit commenta-
 tor ejus *Pictorius*, gratos
 principibus & eloquentes
 eum facere possessores suos.
Agyrtis autem, & medicastriis
 solenne est, virtutum, & effe-
 ctorum ejus prætextu fidem,
 & æstimationem emplastro
 illi emendicare, quod *Arma-*
rium, sympatheticum, &
 stellatum vocant, vulgò *Wea-*
pon-salve. Fabularum etiam
 nobile par effinxit *Famianus*
Strada

Strada omnium stylorum vir, ingenii, & styli (credo) exercendi gratiâ: quas, quia lepidæ, breves, & facetæ sunt, non pigebit integras describere. Quarum prima est ad *Lucretiani* carminis legem de novâ epistolas ad amicos scribendi ratione expeditissimâ, sine tabellariis, & tabellis, sola *Magnetis* ope, hunc in modum.

Magnesi genus est lapidis mirabile, cui si Corpora ferri plura, stilosve admoveris, inde Non modò vim, motumq, trahunt, quo semper adur-
Qua lucet vicina polo, se vertere tentent: (sam,
Verùm etiam mirâ inter se ratione, modòque,
Quotquot eum lapidem tetigere styli, simul omnes
Conspirare situm, motumq, videbis in unum.
Vt si fortè ex his aliquis Romæ moveatur
Alter ad hunc motum, quamvis sit dissitus longè,
Arcano se naturæ fœdere vertat.

Ergo age, si quid scire voles, qui distat, amicum
Ad quem nulla accedere possit epistola; sumes
Planum orbem, patulumq, notas elementaq, prima
Ordine, quo discunt pueri, describe per oras
Extremas orbis, medioq, repone jacentem,

Qui tetigit Magneta stylum; ut versatilis inde
 Litterulam quamcunque velis, contingere possit.
 Huius ad exemplum simili fabricaveris orbem
 Margine descriptum, munitumq; indice ferri,
 Ferri, quod motum Magnete accepit ab illo.
 Hunc orbem discessurus sibi portet amicus,
 Conveniatq; prius, quo tempore, quaeque diebus
 Exploret, stylus an trepidet, quidve indice signet.
 Hic ita compositis, si clàm cupis alloqui amicum
 Quem procul à tete terai distinet ora;
 Orbi adijunge manum, ferrum versatile tracta,
 Hic disposita vides elementa in margine toto;
 Quae opus est ad verba notis, huc dirige ferrum,
 Litterulasq; modò hanc, modò et illam cuspide tange,
 Dum ferrum per eas iterumq; iterumq; rotando
 Composas singillatim sensa omnia mentis.
 Mira fides longè qui distat, cernit amicus
 Nullius impulsu trepidare volubile ferrum;
 Nunc huc, nunc illuc discurrere: conscius haeret,
 Observatque styli ductum, sequiturq; legendo
 Hinc, atq; hinc elementa, quibus in verba coactis,
 Quid sit opus sentit, ferrumq; interprete discit.
 Quinetiam cum stare stylum videt ipse vicissim
 Si quae respondenda putet, simili ratione
 Litterulis variè tactis rescribit amico.
 O utinam hac ratio scribendi prodeat usu!
 Cantior, & citior properaret Epistola, nullas
 Latronum verita insidias, fluviosq; morantes.
 Ipse suis Princeps manibus sibi conficeret rem,
 Nos soboles scribarum emersi ex aquore nigro.

Hanc

Hanc sequitur altera de Chryso-Magnete
non ferrum, sed aurum trahente ad linguam,
& mentem *Ovidianam* ficta & scripta.

Fortè mihi puero putei super ore sedenti
Annulus exciderat, nec erat spes ulla legendi.
Cum pater è filo lapidem demittit in undas
Prædátorem auri; subitoq; exsitus ab imo
Annulus accurrit fundo, lapidique coherens,
Tanquam hamo piscis, summas effertur in auras.
Talia mirantem pater occupat: accipe causam,
Nate, ait, & lapidem (non longa est fabula) nosce.
Deucalion, & Pyrrha (genus mortale duobus
In quibus omne fuit quondam, et duo turba fuerunt)
Ut reparent populos, sua post vestigia iussos
Projiciunt lapides: lapides, ceu semina frugum,
Mollescunt, inq; ossa virum mutantur, & ora.
Quamquã homines aliqui nondũ digesta videntur
Effigies, & adhuc retinent de marmore multum,
Duritiaq; docent, quã sint ab origine nati.
Iam nova crescebat soboles, & cura trahebat
In diversa animos: nam prout cecidère per undas,
Aut per agros lapides, aut per spelæa ferarum.
Aut propter mentes ferriq; auriq; feracis;
Sic genium traxère loci: venatibus ille
Indulget, terram colit hic, illi aquora sulcant;
Hi ferri venas, aurumq; per omnia quarunt,
Et sceleris querunt, morti q; per omnia causas.
Tunc verò hæc oculis invitamenta malorum
Abduxit Natura parens, & in intima terræ
Viscera contraxit, Manesq; removit ad imes.

Sc2

Sed tamen hunc quoq; descendit furiosa cupido,
 Abditæ rimatur, terramq; cruciat omnem :
 Scilicet indignata homini Natura quis ultra
 Finis erit, dixit ? tellus exhausta metallis
 Antè gemet, quàm dira fames saturata quiescat.
 Dum loquitur, mentem Magnesia vertit in arva,
 Et puduit vertisse ; videt molimine longo
 Instantes operi, defossi q; ultima mundi
 Scrutantes arcana, & opes (sua damna) petentes :
 O PRONAI in terram, clamat, peritura q; turba,
 Quodq; sibi fodit prope Tartara, digna sepulchro,
 Dixit, et irato tremefecit numine terram,
 Oppressitq; viros, & gleba immiscuit artus
 Quàm malè tractabant per aperta pericula glebam.
 Quin flamma è Stygiis, ut erat vicina, cavernis
 Illam membrorum, terra q; sine ordine massam
 Fumida corripuit, coctamq; in saxa coegit :
 Unde color, species et adhuc seminata remansit.
 Nec tantum color ; at vivos quæ torserat olim
 Magnetes, etiam lapides sensuq; carentes
 Tangit avaritia : utq; aurum, ferrumve legentes
 Oppressit fatum ; sic ipsa cadavera prædam
 Quæq; suam agnoscunt, geminaq; cupidine fervent,
 Et trahit hic ferrum Magnes, ille attrahit aurum.
 Tunc ego adhuc patris ridens miracula, sanè
 Quàm metuo, dixi, quando aurum poscimus omnes,
 Ne genus humanum saxa in Megnesia migret,
 Sic me fabellis pater oblectare solebat.

Hæc & similia figmenta,
ut falsi plerunque rumores,
ab aliquo quod verum aut
verisimile est, originem suam
habent à quo nascuntur, &
fundamentum quo nituntur.

Fieri enim posse me docu-
it experientia, ut ope *Magne-
tis* & instrumenti ad id apta-
ti, amicus cum amico in cu-
biculo proximo trans cras-
sum murum (puta bipeda-
lem) colloquatur, animi sui
sententiam impertiat, & ad
quæsitâ respondeat. Quod
hactenùs vel inauditum vel
incredibile visum est. Vt au-
tem quis cum amico absente,
in locis tam dissitis, & extra
Magneticæ activitatis sphæ-
ram posito, sermones per
acum

acum sympatheticam quasi
per epistolam misceat, fabula
est & impostura.

*Quod autem Magneti, id rebus,
& viris omnibus virtute
magnis, & claris, fatale, &
solenne est, ut multis & abu-
sibus, & mendaciis pateant
& sordidentur.*

Ecquid enim uspiam, aut
unquam extitit, quod ad præ-
claros usus natura destina-
vit, quod non idem ad abu-
sus nefandos pervertit, aut
Dæmonum fraus, aut homi-
num impostura? Ecquis vir
unquam operibus, aut mira-
culis illustris fuit, de quo ve-
ri, & miri aliquid prodide-
rint

rint historiæ , cui non absur-
 da , & falsa plurima affinxerint
 fabulæ? Sanctorum vitæ,
 & aurea (quam vocant) Le-
 genda, quid aliud sunt, quàm
 mendaciorum farragines, ab
 hominibus æneæ frontis , &
 plumbei cerebri confictæ, &
 conscriptæ? De *Gregorio*
Thaumaturgo , aliisque ejus
 generis viris ob miraculo-
 rum virtutē venerandis, mul-
 ta vera scripsisse * contem-
 poraneos, & classici autho-
 res , facile adducor , ut cre-
 dam : omnibus autem ut fi-
 dem adhibeam , quæ subse-
 quentium ætatum Mona-
 chi attexuerint , nunquam
 in animum inducam meum.
 Quare prudentis erit , neque
 veris

*Gregor.
 Niff.*

veris ob falsorum mixturam fidem denegare, neque temerè falsis verorum in gratiam credere; sed, cribri in morem, gravia, & solida retinere, vana, & levia rejicere.

CAP. XLI.

Non minor retinendi, quam attrahendi in Christo & Magnete vis & facultas.

MAgnes non modò lenociniis invincibilibus ferum ad se suaviter allicit, sed & allectum insolubilibus catenis fortiter eò usque retinet, donec vi manuum ab eo divellitur. In aurifabrorum officinis anchoras ferreas totos menses, & annos ad Magnetem appensas videre est.

Qui-

Quinetiam hoc supposito,
 quòd tam robustus dari pos-
 set Magnes, ut nihil à viribus
 externis pati possit; seque-
 retur inde in æternum *Mag-*
neti adhæsuras. Ad eundem
 planè modum in voluntati-
 bus nostris operatur is, qui
 lapis noster est angularis & ^{*Eben Ex.*}
 auxiliaris; cujus gratiâ (ut ^{*va.*}
^{*1 Sam. 7.*}
^{*12.*}
 sæpe *Augustinus*) nescio,
 quo modo facit, ne respu-
 tur; quique eum infundit
 in animos electorum, sui &
 amorem, & timorem, eam
 denique *ἐυλαβίαν*, ut nolint
 unquam ab eo recedere, sem-
 pèrque caveant, ne quan-
 do sit in iis cor incredulum, ^{*Hebr. 3.*}
^{*12.*}
 ut à Deo vivo deficient. Re-
 mane,

manet, non diffitemur, in electis, & regenitis, non potentia modò, sed & pronitas, & proclivitas totalitèr, & finalitèr à Deo apostatandi:

1 Thes. 5. sed fidelis est is, qui nos vocavit, qui totum spiritum, & corpus conservat, ad gloriosum suum adventum, à quo comprehendimur, potius quàm comprehendimus. Super petram hanc fundatos Magneticam, nulli aut imbres, aut venti conquassabunt, nemo eos è manu ejus rapiet; nihil sive præsens, sive futurum, eos à charitate ejus separabit. Cæterùm ei, qui potis est conservare suos à lapsu immunes,

(163)

nes, & statuere nos in conspectu ejus inculpato cum exultatione: Soli sapienti Deo gloria, robur, & potestas in æternum.

AMEN.

CAP. XLII.

Precatiuncula ad Rythmi Bernardini Genium & Formam.

Magne Magnes, me dignare
 Ad te totum inclinare;
 Fac cor meum anhelare,
 Ut se possit applicare
 Devoto tibi pectore.

Canem vilem allatrantem,
 Ovem perditam balantem,
 Cervum fessum anhelantem,
 Servum tardū & cunctantem
 Potenter ad te pertrahere.

Sic me trahas, ut te sequar;
 Sic convertas, ut convertar,
 Cordi meo Te conjungas,
 Vngas illud, & compungas
 Spiritus tui flamine.

Per

(165)

Per medullam cordis mei
Peccatores, atq; rei
Sic vis Tua tramittatur,
Ut cor totum constringatur
Amoris tui vinculis.

Da cor cordi similari,
Da cor cordi sociari,
Da cor durum perforari,
Da cor ferreum sauciari
Amoris tui vulnere.

Meum posse, velle, scire
Totum tibi fac servire,
Vehementer esurire,
Et ardenter Te sitire
Fac cor meum aridum.

Rosa Sharon aperire,
Cujus odor fragrat mirè,
Nare meas fac sentire,

Illas

(166)

*Illas illum fac haurire
Præ cunctis suavitatibus.*

*Manna dulce, Mol sincerum,
Vinum suave, Nectar merum,
In quo nihil est amarum,
Esto mihi tu per-charum
Præ omnibus deliciis.*

*Ecce, tibi appropinquo,
Parco mihi, si delinquo.
Ecce, curro ad Te sponte,
Verecundâ tamen fronte :
Nemine, quæso, rejice.*

*Præbe mihi Te benignum,
Ne repellas me indignum ;
Totum ad Te cor impelle,
Totum imple meum velle,
Ut Te nunquam deferam.*

FINIS.

